

# 東方雜誌

第十三卷 第十號

黎大總統最近之攝影




安慶天柱閣風景


地勢占安慶全城最高處閣下環植花木遊廊曲曲極幽




深之致登閣則皖公山影落尊前今地歸第一中學校

溫州飛霞洞風景






雲南境內滇越鐵路經過之地方



四川敘州府之流觴池

匪 巴 之 古 蒙



(也 布 札 布 巴 首 匪 者 中 居)

法 軍 之 重 要 人 物




加 利 尼 大 將  
嘉 斯 戴 爾 大 將  
德 郎 凱 大 將

薩 賚 大 將  
霞 飛 大 元 帥  
德 斯 佩 大 將

都 拜 意 大 將  
蘭 爾 薩 大 將  
默 都 意 大 將

影攝之公大拉哥尼令司總軍陸國俄

(參謀員報告軍務)




(尼哥拉大公爵與教士談話)




(規定進攻之計)




(抵總司令部)



(兵克薩哥閱)



羅馬尼亞王弗的難第一




保加利亞王飛蝶楠第二



英 國 顯 克 爾 頓 氏 之 南 極 探 險

英國探險家顯克爾敦氏 Ernest Shackleton 近赴南極探險預計自南美出發越南極道出南非以返歐洲本年六月行抵象島 Elephant Island 之北為冰塊所阻乘船陷於冰中不能前進



後聞有英國某協會派「安邁」號 (Annie) 前往救助并聞顯氏已於七月中旬登「安邁」號船員無恙現方繼續進行云圖中上幅為顯氏與其船員之攝影下圖即其乘舟「忍耐」號破陷之狀也

# 東方雜誌第十三卷第十號目次

●靜的文明與動的文明

詹父

●帝制運動始末記

附圖五

高勞

●戰後遠東列強之地位

附圖七

許家慶

●美國預備選舉總統記

附圖五

胡學愚

●海戰術之新傾向與造艦政策

附圖九

許家慶

●潛艇運貨之創聞

附圖三

胡學愚

●歐戰之主因與舊式政策之滅亡

附圖四

許家慶

●英德海戰之前途

章錫琛

●波斯之現狀

附圖五

胡學愚

●英日在遠東之爭霸

章錫琛

●瑞士之軍人

附圖四

胡學愚

●美屬海面採珠記

附圖七

程景瀨

●英商界之海王

甘作霖

●開放中國門戶政策之矛盾

胡學愚

●交戰國出征兵力及喪失兵力

章錫琛

●笑之研究

●徽菌學大家梅幾尼各甫傳

附圖一

胡學愚

●說鬼火

章錫琛

●自動打字機之新發明

附圖三

胡學愚

●陶磁器之電鍍法及其價值

附圖二

許家慶

●石遺室詩話續編卷十一

陳衍

●餐櫻廡隨筆

蕙風

●文苑

●小說攷證卷一

蔣瑞藻

●內外時報

察哈爾全區墾務總局開放羊羣大馬羣荒段情形及簡章 口外墾荒歲入歲出預算書 財政部僉事趙世榮君調查察哈爾羊羣大馬羣墾務日記 予所想望於大總統者 記黎總統 財政部民國五年債款報告書 勸輸種說 中國在外洋設有商會之各地

●法令

職官任免令

●中國大事記

●外國大事記

插畫

●黎大總統最近之攝影

●安慶天柱閣風景

●温州飛霞洞風景

●四川敘州府之流觴池

●雲南境內滇越鐵路經過之地方

●蒙古之巴匪

●法軍之重要人物九幅


●俄國陸軍總司令尼哥拉大公之攝影 幅五

●保加利亞王飛蝶楠第二

●羅馬尼亞王弗的難第一

●英國顯克爾頓氏之南極探險 二幅

民國五年十月十日發行



第十三卷

第十號

## 靜的文明與動的文明

詹父

近年以來。吾國人之羨慕西洋文明。無所不至。自軍國大事。以至日用細微。無不效法西洋。而於自國固有之文明。幾不復置意。然自歐戰發生以來。西洋諸國。日以其科學所發明之利器。戕殺其同類。悲慘劇烈之狀態。不但爲吾國歷史之所無。亦且爲世界從來所未有。吾人對於向所羨慕之西洋文明。已不勝其懷疑之意見。而吾國人之效法西洋文明者。亦不能於道德上或功

業上。表示其信用於吾人。則吾人今後。不可不變其盲從之態度。而一審文明真價之所在。蓋吾人意見。以爲西洋文明與吾國固有之文明。乃性質之異。而非程度之差。而吾國固有之文明。正足以救西洋文明之弊。濟西洋文明之窮者。西洋文明。濃郁如酒。吾國文明。淡泊如水。西洋文明。腴美如肉。吾國文明。粗糲如蔬。而中酒與肉之毒者。則當以水及蔬療之也。

文明者。社會之生產物也。社會之發生文明。猶土地之發生草木。其草木之種類。常隨土地之性質而別。西洋文明與吾國文明之差異。即由於西洋社會與吾國社會之差異。至兩社會差異之由來。則由於社會成立之歷史不同。就其重要者言之。約有二事。

一西洋社會。由多數異民族混合而成。如希臘臘丁日爾曼斯拉夫猶太馬其頓匈奴波斯土耳其諸民族。先後移居歐洲。疊起戰鬪。有兩民族對抗紛爭。至數百年之久者。至於今日。仍以民族的國家互相角逐。至有今日之大戰。吾國民族。雖非純一。滿蒙回藏及苗族。與漢族之言語風俗。亦不相同。然髮膚狀貌。大都相類。不至如歐洲民族間歧異之甚。故相習之久。亦復同化。南北五代及遼金之割據。與元清兩朝之創立。雖不無對抗紛爭之跡。但綜攬大局。仍爲一姓一家興亡之戰。不能視爲民族之爭。

二西洋社會。發達於地中海岸之河口及半島間。交通便利。宜於商業。貿遷遠服。操奇計贏。競爭自烈。吾國社會。發達於大陸內地之黃河沿岸。土地沃衍。宜於農業。人各自給。安於里井。競爭較少。

社會成立之歷史不同。則其對於社會存在之觀念。亦全然殊異。西洋人之觀念。以爲社會之存在。乃互相競爭之結果。依對抗力而維持。若對抗力失調。則弱者敗。者即失其存在之資格。吾國人之觀念。則以爲社會之存在。乃各自相安之結果。凡社會中之各個人。皆爲自然存在者。非擾亂社會。決不失其存在之資格。蓋吾國人以爲。一切人類。皆爲天之所生。天即賦以相當之聰明才力。以得相當之衣食。諺所謂『各人頭上有青天』及『天無絕人之路』。皆表明人類各得自然存在之意義者也。兩社會間之觀念。既有如此之差異。則影響於社會之文明者。差異自必更多。約舉數端如下。

一西洋社會。一切皆注重於人。爲我國則反之。而一。

切皆注重於自然。西洋人以自然爲善，一切以人力營治之。我國人則以自然爲惡，一切以體力營治之。我國人則以自然爲善，一切皆以體天意。遵天命，循天理，爲主。故西洋人之文明爲反自然的，而我國人之文明爲順自然的。（關於此義，日本雜誌中曾有論著甚詳，惜匆匆不及檢出，以資佐證）

一 西洋人之生活爲向外的，社會內之各個人皆向自己以外求生活，常對於他人爲不絕的活動，而社會上一切文明皆由人與人之關係而發生。我國人之生活爲向內的，社會內之各個人皆向自己求生活，常對於自己求其勤儉克己，安心守分，而社會上一切文明皆由此發生。

一 西洋社會內有種種之團體，若地方、若階級、若國家、若民族，皆爲一團體而成一種之人格。對於他團體爲權利義務之主體，此種團體亦爲競爭之結果，以共同競爭較之，單獨競爭易獲勝利也。我

國社會內無所謂團體。城鎮鄉者地理上之名稱，省道縣者行政上之區劃，本無人格的觀念存於其間。國家之名稱則爲封建時代之遺物，係指公侯之封域而言。自國家以上則謂之天下，無近世所謂國家之意義。王者無外，無復有相對之關係。其不認爲人格可知。至民族觀念亦爲我國所未有。所謂蠻夷戎狄者皆天生之蒸民，且多爲古代帝王之後裔，以其地處僻遠，俗殊文野，故加以區別。夏用夷禮，則夷之夷用夏禮，則夏之其區別本非固定，故與現時民族之區別不同。蓋我國除自然的個人以外，別無假定的人格。故一切以個人爲中心，而家族、而親友、而鄉黨、而國家、而人類、而庶物皆由近及遠，由親及疏，以爲之差等，無相衝突。西洋社會中既有個人主義，又有國家主義，階級主義，民族主義，時相齟齬，而個人爲中心與國家爲中心之二主義，尤爲現世之爭點。

一。西。洋。社。會。既。以。競。爭。勝。利。爲。生。存。必。要。之。條。件。故。視。勝。利。爲。最。重。而。道。德。次。之。且。其。道。德。之。作。用。在。鞏。固。團。體。內。之。各。分。子。以。對。抗。他。團。體。仍。持。爲。競。爭。之。具。而。所。謂。道。德。者。乃。從。人。與。人。之。關。係。間。規。定。其。行。爲。之。標。準。故。多。注。意。於。公。德。而。於。個。人。之。行。爲。則。放。任。自。由。凡。圖。謀。自。己。之。利。益。主。張。自。己。之。權。利。享。用。自。己。之。財。產。皆。視。爲。正。當。而。不。能。加。以。非。難。資。本。家。之。跋。扈。於。社。會。蓋。由。於。此。我。國。社。會。則。往。往。視。勝。利。爲。道。德。之。障。害。故。道。德。上。不。但。不。崇。拜。勝。利。而。且。有。蔑。視。勝。利。之。傾。向。道。德。之。作。用。在。於。消。滅。競。爭。而。以。與。世。無。爭。與。物。無。競。爲。道。德。之。最。高。尚。者。所。謂。道。德。卽。在。拘。束。身。心。清。心。寡。慾。戒。謹。於。不。睹。不。聞。之。地。爲。己。而。不。爲。人。故。於。個。人。私。德。上。兢兢。注。意。凡。孜孜。於。圖。謀。自。己。利。益。汲。汲。於。主。張。自。己。權。利。及。享。用。過。於。奢。侈。者。皆。爲。道。德。所。不。許。

一。西。洋。社。會。無。時。不。在。戰。爭。之。中。其。間。之。和。平。時。期。乃。爲。戰。爭。後。之。休。養。時。期。或。爲。第。二。次。戰。爭。之。豫。備。時。期。戰。爭。爲。常。態。和。平。其。變。態。也。我。國。社。會。時。時。以。避。去。戰。爭。爲。務。惟。自。然。界。中。競。爭。淘。汰。之。公。理。不。能。廢。止。故。至。地。狹。人。稠。生。計。逼。促。之。日。爲。天。演。之。所。迫。避。無。可。避。突。然。起。社。會。間。之。擾。亂。乃。不。得。不。以。戰。爭。恢。復。和。平。和。平。其。常。態。戰。爭。其。變。態。也。西。洋。社。會。之。和。平。用。以。構。造。戰。爭。我。國。社。會。之。戰。爭。用。以。購。求。和。平。故。自。歷。史。上。觀。察。之。西。洋。社。會。爲。此。起。彼。仆。之。社。會。我。國。社。會。爲。一。治。一。亂。之。社。會。蓋。由。於。此。

以上所述不過就所見者雜舉之而皆爲競爭存在與自然存在兩觀念差異之結果綜而言之則西洋社會爲動的社會我國社會爲靜的社會由動的社會發生動的文明由靜的社會發生靜的文明兩種文明各現特殊之景趣與色彩即動的文明具都市的景趣帶繁

復的色彩而靜的文明。具田野的景趣。帶恬淡的色彩。吾人之羨慕西洋文明者。猶之農夫牧子。偶歷都市。見車馬之喧闐。貨物之充積。士女之都麗。服御之豪侈。目眩神迷。欲置身其中。以爲樂。而不知彼都人士。方疾首蹙頰。焦心苦慮。於子矛我盾之中。作出死入生之計乎。彼西洋人於吾國文明。固未嘗加以注意。然觀丁格爾步行遊記所言。亦時懷悵觸。彼於滇蜀萬山之中。與吾國最舊式之社會相接。乃謂歐美文明。使人心終日擾擾不能休息。而欲以中國人真質樸素之風。引爲鍼石。是亦都市之人。覽田野之風景。而有所領略者也。至就兩文明發生之效果而論。則動的社會。其個人富於冒險進取之性質。常向各方面吸收生產。故其生活日益豐裕。靜的社會。專注意於自己內部之節約。而不向外部發展。故其生活日益貧嗇。蓋身心忙碌者。以生活之豐裕酬之。而生活貧嗇者。以身心之安閑償之。以個人幸福論。豐裕與安閑孰優孰劣。殊未易定。惟二者。

不可得兼。而其中常具一平衡調劑之理。又人生之耗費。常與其活動爲比例。活動多者。耗費亦多。活動少者。耗費亦少。故豐嗇之殊。僅由比較而出。其實則各人之生活。悉與其境遇相應。倍入者。倍出。寡得者。寡失。豐嗇初無二致。此亦平衡調劑之理也。現時西洋人之富力。十餘倍於吾人。易言之。卽在吾國。可以贍養十餘人之富力。在西洋。僅以之贍養一人。故西洋之富力。乃由限制其人口之增殖而成。今日英美法德。其生殖之進步。皆甚遲緩。且又互相殺戮。以減少其人口。於是以其財產與人口相比較。乃與吾國相去甚遠。若使吾國處西洋之境。况則不出百年。卽增十倍之人口。而人口與財產之比較。仍與吾國現時相等矣。社會學家言。人口有數。與量之別。以量言。則彼石而我斗。以數言。則彼什而我百。數量相準。吾國堪輿。家有丁多。財薄。財旺。丁衰之言。亦猶此義。此又一平衡調劑之理也。西洋之富。由其力征經營而得。恃人爲之力。以與自然抗爭。凡人類所。



受。自。然。界。之。苦。痛。悉。欲。戰。勝。之。或。避。免。之。吾。國。社。會。受。自。然。界。之。苦。痛。最。甚。饑。饉。疫。癘。之。至。死。亡。枕。藉。即。在。平。日。大。多。數。之。人。民。亦。無。時。不。以。其。身。與。饑。寒。疾。病。相。戰。西。洋。社。會。所。受。自。然。界。之。苦。痛。較。之。吾。僑。固。大。為。減。少。然。其。所。減。少。者。仍。以。人。為。的。苦。痛。增。益。之。試。一。緡。西。洋。歷。史。若。宗。教。戰。爭。若。政。治。戰。爭。及。近。年。之。民。族。戰。爭。其。死。亡。之。多。較。之。饑。饉。疫。癘。之。災。亦。復。無。異。彼。等。無。饑。餓。疾。病。之。患。乃。以。其。身。與。礮。火。刀。兵。相。抗。此。等。苦。痛。固。非。自。然。界。所。賦。與。乃。為。人。之。所。自。造。者。非。天。作。之。孽。而。自。作。之。孽。也。吾。國。歷。史。雖。亦。時。有。戰。亂。發。生。然。推。其。原。因。大。都。為。人。口。過。繁。生。事。不。給。又。值。水。旱。災。侵。之。荐。至。遂。醞。釀。而。起。兵。災。仍。為。自。然。關。係。而。非。宗。教。政。治。民。族。等。人。為。之。關。係。也。近。年。來。三。起。革。命。固。屬。政。治。戰。爭。然。較。西。洋。之。政。治。戰。爭。犧。牲。特。少。論。者。謂。吾。國。民。性。質。和。平。之。結。果。實。則。吾。國。民。窮。財。盡。日。與。自。然。界。之。苦。痛。搏。戰。不。遑。政。治。問。題。可。已。則。已。不。欲。更。事。吹。求。亦。所。以。減。輕。

其。苦。痛。之。法。耳。聞。某。縣。鄉。人。言。其。鄉。每。遇。豐。年。賭。博。甚。盛。典。妻。鬻。子。破。家。者。不。知。凡。幾。若。值。歉。收。則。博。資。無。所。出。誘。引。者。棄。而。他。去。則。家。室。相。安。故。豐。不。如。歉。之。樂。可。知。人。類。之。性。質。於。自。然。之。苦。痛。減。少。時。輒。代。之。以。人。為。之。苦。痛。若。自。然。之。苦。痛。劇。烈。則。人。為。之。苦。痛。自。少。此。亦。平。衡。調。劑。之。理。也。總。之。由。吾。人。觀。察。之。結。果。則。社。會。之。生。理。確。與。個。人。生。理。無。異。凡。喜。運。動。之。人。血。氣。充。足。而。易。於。偏。勝。故。每。患。充。血。症。喜。沈。靜。之。人。血。氣。平。和。而。易。於。衰。弱。故。每。患。貧。血。症。患。貧。血。症。者。由。於。營。養。分。之。不。給。細。胞。之。代。謝。不。旺。盛。血。液。之。成。分。不。清。潔。病。菌。乘。間。侵。襲。之。或。成。癆。瘵。或。發。癩。癰。吾。國。社。會。之。症。狀。即。貧。血。之。症。狀。也。患。充。血。症。者。由。於。營。養。分。之。過。多。蘊。蓄。於。胃。腸。而。發。酵。吸。收。於。血。管。而。生。毒。病。菌。乘。間。侵。襲。之。或。起。炎。症。或。生。癰。疽。西。洋。社。會。之。症。狀。即。充。血。之。症。狀。也。兩。文。明。之。結。果。其。不。能。無。流。弊。蓋。相。等。也。至。於。今。日。兩。社。會。之。交。通。日。益。繁。盛。兩。文。明。互。相。接。近。

故抱合調和。爲勢所必至。以事實證之。則西洋社會。以數世紀競爭活動之結果。所獲得之資本。流入吾國。以開發富源。吾國社會。以數千年刻苦安靜之結果。所滋生之人口。輸入他國。以興起工事。此固於兩社會。交有利益者。吾國現時。水陸交通之逐漸便利。皆賴西洋資本之助。而西美南非及澳洲各埠之開闢。與南洋羣島各國屬地之興盛。亦賴吾國人民之移殖。皆事實之彰著者。往時吾國人以保存富源。收回利權之故。拒絕外資。至今絕無成效。近時以疊次政爭之故。財力益覺竭蹶。政治家對於外資。且歡迎之不暇矣。又美國及英屬堪拿大非洲澳洲皆有禁止華工入口之事。數年前吾國人有流入法國巴黎售紙花以糊口者。巴黎市會噴有煩言。至由使館資遣回國。而大戰開始以來。各國乃屢有密招華工之事。法政府至提出議案於議院。試招華工五千人。在兵工廠作工。可知通工易事。以盈補不足。爲社會間之定理。如水之必至於平。堤障之設。可以

暫止而不能永絕也。以上所言。爲物質上之交換。至精神上之交換。最顯著者。如生存競爭之學說。輸入吾國。以後其流行。速於置郵傳命。十餘年來。社會事物之變遷。幾無一不受此學說之影響。至西洋俄法德諸國。在數年以前。亦盛研究東方之學。俄國文豪託爾斯泰氏之著作。中推崇中國文明尤至。將來之西洋社會。亦必有若干之變化。受影響於吾國者。其朕兆蓋已見焉。吾儕今日。當兩文明接觸之時。固不必排斥歐風。侈談國粹。以與社會之潮流相逆。第其間所宜審慎者。則凡社會之中。不可不以靜爲基礎。必有多數之靜者。乃能發生少數之動者。即如吾國社會。由大體言之。固爲靜的社會。然政治界商業界文學界中。非無少數之動者。此少數之人。即受多數農工細民之給養而產出者也。西洋社會。由大體言之。固爲動的社會。然其間亦有一部分之人民。爲靜的生活。且西洋社會。常向世界各社會。吸收生產。故西洋之動社會。亦受世界多數靜社會之

給。養。而。產。出。者。也。譬。如。一。都。會。其。活。動。固。非。四。周。村。落。之。所。及。然。其。活。動。之。由。來。實。在。於。四。周。村。落。故。四。周。村。落。愈。多。其。都。市。亦。愈。興。盛。可。知。社。會。之。中。動。者。實。居。少。數。而。靜。者。實。占。多。數。吾。國。將。來。其。將。於。少。數。中。求。生。活。乎。抑。於。多。數。中。求。生。活。乎。設。言。之。如。吾。人。為。長。養。子。孫。繁。殖。氏。族。之。計。將。使。之。為。官。僚。為。商。人。為。學。士。生。活。於。

少。數。階。級。中。之。為。宜。乎。抑。使。之。為。農。民。為。職。工。生。活。於。多。數。階。級。中。之。為。得。乎。將。使。之。糶。米。而。食。賃。宅。而。居。作。都。市。中。生。活。之。為。愈。乎。抑。使。之。耕。田。而。食。鑿。井。而。飲。習。村。落。間。生。活。之。為。善。乎。此。固。不。待。再。計。決。者。故。吾。願。吾。人。對。於。此。靜。的。社。會。與。靜。的。文。明。勿。復。厭。棄。而。一。加。咀。嚼。也。



# 帝制運動始末記

(續前號)

高 勞

## 八 袁總統逝世及黎總統繼任

### (一) 袁總統逝世

袁總統自滇黔反抗帝制後。政務焦勞。軍事外交。尤形繁劇。公府中重要會議。無不躬蒞擘畫。指示方針。雖其後帝制取消。而大局依然紛擾。且南省仍堅執退位之說。不稍讓步。以故積勞成疾。五月下旬。即傳政躬不豫。病象爲夜不成眠。晝不思食。初猶力疾視事。其後日漸危重。疊經中西醫生診治。西醫認爲尿毒症。用穿刺手術治療。亦未奏效。六月六日上午十時。遂爾逝世。聞五月杪病勢加劇時。曾召段祺瑞王士珍等政要諸人入內。自謂不願再攬政權。交出善後數端。責令妥籌辦法。俟籌備後即行辭職。惟所交之案。頗難籌辦。同時復派代表出席於公府會議。提出繼任交替保證外交等項議案。飭令籌議。又聞彌留之際。告徐世昌等。謂本無帝

制自爲之心。而左右之人。淆亂黑白。遂信爲國民真意。南方要求退位。所以未允者。實恐全國大亂。因而分裂也。旋於八日大殮。二十八日運柩歸河南彰德。八月二十四日。在河南安葬。當病革時。曾召定武軍若干營入京。分駐各地。以資防護。五六等日。京城人民。慮駐京軍隊譁變。甚覺恐慌。嗣得逝世之耗。尤爲俶擾。物價驟昂。銀根愈緊。迨黎總統就任。乃漸平靖焉。

### (二) 黎總統之繼任

黎副總統之繼任。實規定於元年三月公布之約法。及二年十月公布之大總統選舉法中。而袁總統之遺令。則謂本大總統遵照約法。宣告以副總統代行中華民國大總統之職權。與帝國之傳位遺詔相似。且所引者。爲三年五月公布約法會議議決之約法。而因此產生之大總統選舉法。則規定副總統代行職權。僅以三日

為限。是此令不特有背法律。且與事實亦多矛盾也。黎總統於七日上午十時。在東廠胡同副總統私邸行就任禮。即日頒發就任之申令。當袁總統未逝世以前。護

軍部海軍部參謀部分別辦理。十六日申令。派出軍隊一律停戰。尅期撤退。十九日裁撤京畿軍政執法處。已結未結各案。交陸軍部核辦。惟當日國民所希望者。為

國軍既宣言認黎氏為大總統。京外要人亦多主張請黎氏依法代任。以挽危局。即袁總統當軍事危迫時。亦有先行請假。由副總統暫代之意。故黎氏繼任。輿情翕然。不特國民全體擁護。即外人方面。亦皆表示歡迎也。



黎 大 總 統

(三) 黎總統繼任後之政治施行

黎總統繼任後。即日申令京外文武官吏均仍舊供職。十日。裁撤陸海軍大元帥統率辦事處。原辦事宜。歸陸

用新約法者。而以主張第二說尤為多數。於是擬令各省長官。每省遣派代表三人來京會議。旋改為由各省於國會議員中選出三人。然均不果行。惟僅由段總理

恢復元年約法及召集國會。欲政府速以命令宣布。而政府要人對於約法之主張殊不一致。有主張直捷恢復者。有謂三年公布之新約法。已成爲法律。不宜以命令變更。須用法律手續恢復者。又有主張適

於二十二日通電各省長官。暨岑春煊唐紹儀梁啓超伍廷芳諸氏。略謂恢復元年約法。政府初無成見。惟以命令變更法律。後患不可勝言。三年約法履行已久。歷經依據以爲行政之準。一語抹煞。則一切法令將受動搖。故不能再三審慎。二十三日復致電在滬議員。徵求意見。嗣以各省覆電。多主張以命令恢復。而梁啓超唐紹儀覆電。謂三年約法絕對不能認爲法律。此次宣言恢復。絕對不能認爲變更。今大總統之繼任及國務院之成立。均根據於元年約法。一法不能兩容。三年約法若爲法。則元年約法爲非法。故三年約法非特國人。所不認爲法。即今大總統及國務院之地位。皆必先不認爲法。而始能存在者也云云。駐滬議員亦覆電促以明令廢止三年約法及附屬諸法。同時總統府及國務院。疊接京外催促恢復約法之函電。日十餘起。遂於二十九日申令。憲法未定以前。仍遵行元年三月十一日公布之臨時約法。至憲法成立爲止。其二年十月五日

宣布之大總統選舉法。係憲法之一部。應仍有效。又令民國三年五月一日以後。所有各項條約。均應繼續有效。其餘法令。除有明令廢止外。一切仍舊。同日申令。依臨時約法第五十三條。續行召集國會。定於本年八月一日起。繼續開會。並裁撤參政院暨平政院所屬之肅政廳。撤銷關於立法院國民會議各法令。特任段祺瑞爲國務總理。三十日改任各部總長。七月六日改定各省軍民長官名稱。各省督理軍務。改稱督軍。各省巡按使。改稱省長。廢止頒爵條例。國賊懲辦條例。附亂自首特赦令。糾彈法。八日廢止文官官秩令。十日裁撤全國經界局。歸併內務部辦理。改編拱衛軍爲陸軍第十三師。十二日申令釋放政治罪犯。所有以前因政治犯罪被拘禁者。一律釋放。通緝各案。亦一律撤銷。十四日申令懲辦變更國體始禍之楊度孫毓筠顧鼐梁士詒夏壽田朱啓鈴周自齊薛大可八人。帝制禍首。人數頗夥。其最著者亦不僅八人。自黎總統繼任後。南方各省要

人均要求懲辦。政府遲未執行。至是始明令宣布。僅以八人爲限。且聲明其餘一概寬免。然八人已先期避匿。故無一緝獲者。十六日廢止報紙條例。十八日廢止官吏犯罪特別管轄令。官吏犯贓治罪法執行令。徒刑改遣條例及施行細則。清查地畝訴訟變通辦法。簡任法官預保辦法。道署暫設上訴機關。易答條例。二十八日廢止學績試驗條例及施行細則。八月十四日申令。各省省議會。定十月一日召集。八月一日。國會開會。黎總統詣會補行就任之宣誓。先是滇黔起義後。前被解散及停止職務之兩院議員。多聚集上海。擬在上海設立會議機關。此次續行召集。各議員多就近由上海至京。故國會得以如期集議。國會開會後。即從事於憲法之制定。以二年憲法委員會所擬之憲法爲基礎。開憲法會議討論。國務總理及國務員。亦經大總統提出兩院。先後通過。於是立法行政兩機關。均完全成立矣。

## 九 軍事之收束

### (一) 各省獨立及軍務院之取消

黎總統七日接任。是日即得陝西都督陳樹藩電。謂袁總統既逝。陝省獨立。應即日宣告取消。樹藩謹舉陝西全境。奉還中央。一切悉聽中央處分。八日。四川都督陳宦電稱。川省前因退位問題。與項城宣告斷絕關係。現在鈞座既經就職。川省謹遵照獨立時宣布。即日取消獨立。嗣後川省一切事宜。謹服從中央命令。九日。廣東龍濟光亦宣言取消獨立。其餘各省。則以護國軍既設有軍務院。當協同行動。不宜互有參差。決俟軍務院協議後。以定行止。十日。軍務院撫軍長唐繼堯電致大總統。要求四項。(一)請即日宣言國家根本法律。以國會解散以前所公布者爲準。(二)請召集前參眾兩院議員。速開國會。按法補選副總統。及要求同意任命國務員。組織正式國務院。(三)請撤退因抵禦護國軍所派之北軍。(四)請下令召集軍事特別會議。由各省都督將軍各派代表在滬開會。議決一切善後軍事問題。並

聲明軍務院照成立時宣言。俟正式國務院成立後撤銷。十六日。岑春煊電承認唐繼堯之電爲南軍一致之主張。二十一日。復推梁啓超唐紹儀爲軍務院代表。與內閣協商善後事宜。旋由梁啓超提議。以中央不願取對抗協議之形式。且各省所要求。不外約法國會數端。皆已單銜發表。目的將達。已無協商之必要。此舉遂卽作罷。迨恢復約法召集國會任命國務總理之申令既下。各撫軍遂往復電商撤銷軍務院之辦法。十四日。發布撤銷之宣言。略謂前因戰禍蔓延。獨立省前敵各軍。不可無統一機關。爰暫設軍務院。爲對內對外之會議團體。其組織條件第一條。規定本院俟國務院按法成立時撤廢。今約法國會次第恢復。大總統依法繼任。與獨立各省最初之宣言。適相符合。雖國務員之任命。尙未經國會同意。然當國會閉會時。元首先任命後。以俟追認。實爲約法所不禁。本軍務院爲求統一起見。謹於本日宣告撤銷。其撫軍及政務委員長外交專使軍事

代表。均一併解除。署名者爲唐繼堯岑春煊梁啓超劉顯世陸榮廷陳炳焜呂公望蔡鍔李烈鈞戴戡李鼎新（李爲海軍司令海軍獨立事詳後）羅佩金劉存厚。其陝西四川廣東三省。或未加入軍務院。或已單獨宣言取消。故未列名。惟湖南省。雖未經加入。然頗持同一之態度。既得軍務院撤銷之訊。卽於十八日由代理湖南督軍劉人熙通電。與滇黔桂起義各省同其步趨。擁護中央。十七日。大總統電致已解職之各撫軍。商榷軍務院撤銷後一切善後事宜。聞以軍費最爲重要。其數約須三百萬元云。

## （二）廣東之善後事宜

黎總統繼任。大局雖漸就安謐。惟廣東四川湖南等省。尙不免有軍事之俶擾。而以廣東爲尤甚。廣東各屬之民軍。既與濟軍時有小戰。然皆部分之衝突。非激烈之戰爭也。其最大之戰事。則爲滇桂軍與濟軍之交關。當滇省起義後。雲南第二軍總司令李烈鈞。率其所部進



紮桂邊。迨桂省獨立。乃聯合桂軍會同北伐。擬假道粵省。進取江西。五月十二日。由梧州行抵肇慶。粵省及韶州商民。恐客軍過境。與粵軍衝突。紛紛電請改道入贛。而龍濟光亦電致岑都司令。要求滇軍毋蒞粵垣。乃由李國治楊觀東等雙方磋商。議定滇桂軍由肇出北江。轉上滘江口。改乘火車出韶關。直攻江西。李總司令乃令師長張開儒率兵一部。先行出發。適袁總統逝世之耗到肇。十一日都司令部開軍事會議。恐北京政府尙有帝制黨把持。決議北伐軍仍然出發。李總司令遂於十二日督率所部由肇啓行。張開儒所率之一部。先抵韶州。當滇桂軍議定由肇取道北江時。龍濟光曾通飭各軍。謂已與滇桂軍約明路程。如有冒稱滇桂軍。水路越過西南以下。陸路越過三水數里外。立即迎頭痛擊。不必究問真假。且又添兵駐防三水。並派段爾源馬存發之兵若干。進駐小塘。張開儒所率之滇軍前隊。行過清遠。守清遠之陳福祥軍。已閉門不納。迨至韶州。南韶

鎮守使朱福全。復將城門緊閉。下令戒嚴。滇軍既無駐紮地方。又無從購買食物。迭由岑都司令電致龍督轉飭朱福全妥爲照料。相持數日。仍未解決。至十九日。因雙方兵士發生衝突。遂開戰端。滇軍發礮攻城。夜九時。將韶城佔領。二十日滇軍復分兵南下。攻佔英德。其由肇續行出發之李烈鈞兵隊。行抵滘江。聞韶州業已開釁。亦即據守滘江。設立總司令部。並派兵南下。進逼源潭。濟軍亦堅守是地。兩軍均築壘相持。七月三日。滇軍進攻濟軍。在馬鞍山激戰。二日。滇軍佔馬鞍山及長坵山。四日。滇軍佔領源潭。濟軍乘車退過迎嘴站銀蓋坵。站均不停留。直至新街。始停車駐守。滇軍乃進駐銀蓋坵。是役也。濟軍七千。滇軍三千。濟軍除死傷二千餘。逃亡及降散二千餘外。僅千餘人。龍氏乃續派兵隊至新街助守。此北路之戰情也。同時西江之滇軍及桂軍。亦與濟軍發生戰事。是項軍隊。爲譚浩明莫榮新李耀漢所統率。初擬由肇繼續赴韶。繼聞韶州開戰。遂在三水

攻擊濟軍。其在東路潮汕等處之莫擎宇軍亦向省城進發。惟爲濟軍李嘉品所禦。未能得手。岑都司令復命魏邦平督帶江大寶璧等艦。於十六日攻擊南路新會之江門。卽將江門佔

領。旋復進攻順德。當兩軍在韶州交戰後。

中央政府曾電令岑

都司令暨龍督設法

消弭戰端。七月六日

復任命陸榮廷爲廣

東督軍。朱慶瀾爲廣

東省長。而派龍濟光

督辦兩廣礦務。並命

李烈鈞來京聽候任用。惟以戰事方殷。電信遲滯。故兩

方戰況仍積極進行。十八日。西路滇桂軍由三水前進。

濟軍由獅子竇退至上柏站。次日。又退至佛山。二十一

日。桂軍進逼佛山。濟軍軍長段爾源率衆歸附。餘軍退回省垣。其在北路之滇軍亦於十八日佔領新街。二十四日攻陷江村。二十五日由大朗站進逼小坪。擬聯合



譚 浩 明

西路桂軍會攻石井兵工廠。濟軍從間道攻取滇軍大營。滇軍失利。二十六日。退守大朗。二十七日。退守江村。同時桂軍亦爲濟軍所敗。向邵邊退却。三十一日及八月一二等日。桂軍復勝。濟軍退守石圍塘。自三日至八日。省垣附近水

陸均有激戰。時張勳倪嗣冲張懷芝趙倜孟恩遠楊善德馮國璋王占元陳樹藩畢桂芳等均主張以武力解決粵事。紛電政府。請飭閩贛分路進兵。助龍勳李形勢

異常危急。適李烈鈞先時電告政府。願卸兵權。陸榮廷亦通電謂不日蒞粵。飭桂軍停止進攻。十一日。黎總統復明令兩方嚴飭所部即日停兵。如再抗令。即當申討。並派薩鎮冰爲粵閩巡閱使。選調兵艦。駛往查辦。十七日。李烈鈞通電離營赴肇。十八日。陸榮廷由桂至肇。暫駐肇城。廿三日。朱慶瀾抵粵。二十五日。總統復嚴令兩軍尅期撤退。分別交代。並着薩鎮冰嚴重監視。龍濟光旋將省長印信送交朱慶瀾。惟軍篆則延不交卸。曾於五日致電政府。要求數事。(一)濟軍二萬餘人。斷難解散。擬酌編兩師。(二)所需餉項。由中央指定的款。按月劃撥。(三)指定地點。爲屯軍之處。區內其他軍隊。飭令離防。(四)該軍直接受陸軍部指揮。並以數月以來。已墊軍餉百八十萬元。而欠餉亦不下此數。共需三百餘萬。要求中央撥給。中央得電後。對於軍隊編爲兩師一節。既費躊躇。而財政奇絀。所請餉項三百餘萬元。復難即爲撥付。龍氏因之。遂亦延期交代。嗣經中央一再敦

促。始於九月十日將軍篆交與朱慶瀾。轉送肇慶。陸榮廷。一面部署離省事宜。大約離省後。其軍隊當駐紮瓊州也。

### (三) 四川之善後事宜

四川省軍事。自四月上旬停戰議和以後。兩軍均各守陣地。不相侵犯。五月下旬。川省雖宣告獨立。惟曹錕曾電約陳宦。彼此繼續停戰。國家大計。聽從全國民意。從法律上解決。迨黎總統繼任。通令派出軍隊。一律尅期撤退。於是張敬堯所率各師。六月下旬。由防地撤回。七月中旬。先後退至宜昌。曹錕所部。亦遵令撤退。川省本可不至發生戰事。詎周駿因袁總統任命爲崇武將軍。督理四川軍務。遂欲赴省履任。先派王陵基(周升任將軍後。袁總統復任王爲重慶鎮守使)率軍數營。開抵資中(舊資州直隸州)已則帶隊由重慶取道永川內江。繼進。意欲攻取省垣。迨袁總統逝世。仍前進不止。省垣得悉情形。即布置防禦。由旅長馮玉祥準備一切。並

派狙擊團司令官張之江。督隊出發。調招討軍右司令楊維。馳赴江北防堵。又調原駐大竹梁山武勝各軍。分赴東路。以拊其背。而在自流井之滇軍。亦向資州方面前進。遙爲聲援。惟王陵基軍進行極速。各軍未與接近。

而王軍先遣隊。已於六月十。日左右馳抵簡陽。(舊

簡州爲成都府屬距成都百里)其大本營則設於資中。陳督加派兵隊出城迎拒。兩軍相距僅數十里。省垣及自流井各地之紳商。深恐戰端一開。地方糜爛。先後舉代表向周王勸

告。省垣官吏與周王有交誼者。亦前往調和。然均無效。周駿初稱將軍。繼而改稱督辦四川勦匪事宜。兼行軍總司令官。又稱蜀軍總司令。十六日。王陵基駐軍龍泉



驛。(距省垣五十里)周駿之前隊亦至金堂新店子。(距省垣四十里)周駿則駐紮資中。時戰機危迫。駐成都英法領事。慮開戰後生民塗炭。旅成外人生命財產。亦遭蹂躪。特致函陳周。勸其和平解決。陳都督初已宣

張

敬

堯

言。俟周王前來。卽行退讓。嗣以周駿於十八日來電相逼。王陵基復限其三日內退出成都。且派兵至中興場秦皇寺兩處。截斷其退路。遂毅然主張決戰。其部下軍官兵士。亦以周王逼人太甚。不願退讓。十九日。各隊陸續離城。開赴前

敵。嚴陣以待。先是政府曾於十五日致電陳周。飭令約束所部。勿得衝突。至二十四日。黎總統復發明令。令陳周駿來京。而別任蔡錕督理四川軍務兼巡按使。陳

宦於是遵令北行。二十五日晚間。先飭軍隊首途。陳氏於二十六日拂曉出發。王陵基則於二十五日率兵馳抵東門。二十六日晨入城。翌日。周駿亦至。旋亦入城。自任都督。對於中央召令入京之命令。如未聞見。各路統兵之司令。多不以周爲然。護國軍招討軍司令兼省城兵工廠總辦楊維。暗中添募軍隊。並在該廠設備戰事。以圖與周抵抗。爲周所覺。七月七日。在城外開戰。楊軍敗潰。六月下旬。陳宦曾電調四川護國軍總司令劉存厚馳赴成都。及至。而王周已入省垣。劉乃駐軍城外之新津。未幾。而滇軍羅雷兩梯團長。率兵進逼資州。將周王留駐資州之軍隊擊敗。由資州向省城方面進行。聲氣甚壯。周王知不能敵。經劉存厚調停。令周王退去。周駿遂於二十日退出成都。劉存厚入守。維持秩序。王陵基旋亦託故帶兵離省。二十七日。蔡鍔抵成都。接替軍任。川中兵禍。至是乃稍就寧息。惟蔡以喉病。前經中央電准給假。任命羅佩金護理督軍兼省長。故蒞任後。將


軍民各事。約略部署。即於八月五日。交由羅佩金護理。九日離川南下就醫云。

#### (四) 湖南之善後事宜

湖南寶慶辰州等處。本有北軍駐守。(馬繼增所部者。馬死後由周文炳代統)以禦黔軍。迨宣告獨立後。袁總統即令倪嗣冲督隊攻湘。倪率安武軍二十營馳抵岳州。部署未定。而袁氏逝世之耗已至。遂於六月七日晨。率十二營由漢口返皖。餘入營。亦於十二日繼續退去。又湖南未獨立時。倪毓棻曾統兵駐紮岳州附近。設司令部於新隄。至是。亦於八日開拔赴漢。此外復有奉軍旅長唐天喜。前奉袁總統命令。由奉天督隊來湘。亦以袁氏既逝。出戰無名。當與湘軍磋商。訂定辦法。於八日起。十二日止。次第退出湘境。其在湘西之北軍第六師周文炳。及續調來湘之第二十師范國璋。亦由前敵退至常德。周軍定期回贛。(六師原駐江西)范軍則定十日起。至十五日止。離常赴漢。於是湖南全境。已無客

軍之蹤跡矣。然其本省之軍隊。則頗爲倣擾。湯督所部。本有北軍湘軍之二種。感情素不和諧。且當未告獨立之先。民黨在各屬紛紛募集軍隊。其數不下萬餘。統系複雜。驟難梳理。勢不得不亟爲編制。湯督遂委湘西副鎮守使陶忠洵。辦理編制事宜。惟以財政支絀。應付頗難。且僞託民軍意圖搜刮財物。

者亦復不少。如寧鄉瀏陽及岳州衡州各屬。均有暴動發現。居民頗蒙其害。而省城軍隊。又以南北界限。各懷意見。時啓衝突。北軍前曾恃勢欺壓湘軍。湘人至是咸圖報復。時陸榮廷北伐之軍隊。已有一部馳抵長沙。湘軍乃與之聯絡。以期排去北軍。民黨要人復以湯督從前擁護袁氏。未免過甚。且殘殺黨人不少。意欲推翻湯氏。以洩前仇。湯氏知難久處。遂於七月五日黎明潛行出省。旋由民黨首領龍



璋唐蟒等。公推湖南護國第一軍長曾繼梧暫行代理都督。湯氏所部之北兵三千人。多數投誠。餘均逃逸。時省垣內外。甚形擾亂。曾氏雖任都督。然別有臨時都督之告示。出見於省城。且軍隊多自由行動。都督雖下戒嚴令。而各軍置若罔聞。於是紳商各界。開特別大會。公舉劉人熙爲正式都督。七日就任。時

譚中央已任陳宦爲湖南督軍。未到任以前。任陸榮廷署理。然陸決不願就職。十一日由衡州啓程回桂。湘人既逐湯氏。乃併恨及鄂人。(湯爲鄂籍)凡鄂籍之官僚。均遭擯逐。且主張軍民分治。公舉龍璋爲民政長。而都督府則主張合治。設有民政廳。一省之中。上級行政機關。分歧爲二。至軍政方面。則當時握軍權者共有三人。一爲第一軍長曾代都督之曾繼梧。一爲第三師長充任檢查使陶忠洵。一爲護國軍總司令程潛。二人系統各

殊。勢力相敵。程軍與陶軍。曾以索取槍械事。幾開戰釁。各屬民軍。又紛紛鬻集省垣。劉都督雖竭力阻止。設法調停。且屢次集議。擬將民軍分別編制解散。然軍隊既多。裁汰匪易。八月間。澧州鎮守使王正雅。與大庸民軍總司令羅劍仇。又以爭據防地。彼此激戰。中央以湖南軍事收束爲難。乃派吳光新帶北兵兩混成旅來湘。駐紮岳州。八月三日。特任譚延闓爲湖南督軍兼省長。譚氏於辛亥革命後。曾任湖南都督。威望素著。二十日抵湘。二十二日蒞任。卽從事於軍隊之編制。將駐省軍隊。實行裁減。初擬編成兩師。繼又擬僅編一師。雖全省未卽安謐。而省垣紛擾之狀況。已漸消弭。各屬民軍。亦次第解散。其民政方面。則仍照從前辦法。另設政務廳。與軍事不相統屬。湖南善後。自此當可漸就綏靖矣。

### (五) 山東之善後事宜

山東軍事。自黎總統繼任後。仍形紛擾。民軍既佔領博山臨朐。且在濟南商埠。時時發鎗。爲示威之舉動。張懷

芝本主張武力解決。五月二十八日。已派兵攻克臨淄。三十一日。復進軍圍擊鄒平。至六月中旬。又奪回臨朐博山。在張氏方面。謂民黨於黎總統接任後。猶繼續稱兵。故不惜以武力相報。而民黨方面。則謂民軍之攻克臨博兩縣。尙在袁總統未逝以前。彼此函電。互相爭執。嗣中央通電各省停戰。孫文亦由滬電勸居吳息兵。張懷芝乃邀集魯紳。居間調停。居吳各派代表至濟。七月四日。開會議決條件。(一)雙方軍隊。確守會議前原駐地點。不相侵越。(二)護國軍需餉孔亟。由將軍商同紳商學各界。擔任每月補助銀圓三萬元。至中央定有結束辦法時爲止。(三)經此次會議後。如有假冒名義。妨害治安者。雙方均認爲土匪。盡力勦捕。黎總統旋卽電召居吳至京。居吳初派代表前往。嗣卽親自入都。政府復派曲同豐會辦山東軍務。八月上旬。高密民軍首領呂子明。忽派兵佔領膠縣之王台鎮。周村民軍。亦佔據長山鄒平間之猛莊。據呂氏宣言。謂安邱官軍。先於七

月廿五日攻擊景芝民軍。而膠州官軍亦於八月一日向百尺河民軍攻擊。民軍忍無可忍。故有是舉。後經張督軍函請省議會派人前往調停。議定無論費由誰開。雙方軍隊均行退後。以便著手和解。同時萊蕪縣爲周村解散之軍隊攻佔。而昌樂縣民軍與民團復發生激戰。八月下旬。居吳自北京歸。九月一日。在濟南商埠商會會議善後事件。督軍省長代表暨省議會正副議長均與議。議定之條件。(一)不俟中央編制命令。即行著手辦理。(二)由曲會辦協同督軍省長委員。赴周濰各屬點驗。即行著手編練。(三)點驗完畢之日。照陸軍定章起餉。本月之餉。先行借發。但次月以後之餉。一律照定章辦理。(四)公費及額支外之臨時經費。應核實酌量發給。但不得超過前用數目。(五)民軍所有外債。應如何承認償還。由曲會辦調查明確。請示中央辦理。民



軍旋將名冊送到。曲氏即於十一日起。至各屬點驗。十八日晉京籌商給餉事宜。聞民軍約在三萬以上。於是東省軍事。遂告結束矣。

#### (六) 海軍獨立及取消

海軍將士對於帝制。多數反對。去冬肇和一役。即其見端。惟自肇和失敗後。中央政府防範。薩綦嚴。滇黔倡義。屢傳海軍亦將響應。亦以諸多窒礙。無從實現。迨黎總統繼任。政府對於南方要求之恢復約法。召集國會諸事。延不實行。海軍將士乃於六月十五日。公推李鼎新爲總司令。加入護國軍。即日通電大總統。略謂大總統踐位旬餘。對於恢復約法等事。尙未見明令。必有人從中挾持。總統總理。均受牽掣。海軍以擁護大總統保障共和爲職志。舊約法未復。國會未開。正式內閣未立以前。鼎新當暫以臨時總司令名義。駐滬維持現狀。並電軍



務院。聲明此後一本軍務院宗旨進行。相與終始。同時函致松滬護軍副使。謂此次獨立。不過宗旨不同。仍以維持地方秩序爲主。斷不致有發生暴動等事。請勿生誤會。又先後致電江蘇將軍馮國璋。聲言竭誠推戴黎大總統。期早依法建設。速成統一之治。與公係抱同一之宗旨。跡似對峙。心企和平。不幸事與願違。訴諸武力。亦必有明瞭之預告。云海軍各艦。向分三隊。曰第一艦隊。曰第二艦隊。曰練習艦隊。此次獨立。僅第一及練習兩艦隊。其第二艦隊。未曾加入。故致政府電中。亦僅第一艦隊司令林葆懌。練習艦隊司令曾兆麟。隨同列名。惟第一隊所統軍艦最多。實足代表海軍全體之勢力。

自海軍獨立後。適政府已以明令恢復約法。召集國會。遂由海軍上將薩鎮冰。向李氏調停。勸其尅日取銷。李氏以此事本於各艦艦長之同意。應與各艦長妥商。且曾與軍務院聯絡。亦當與軍務院合籌。取同一之態度。七月十四日。軍務院宣言撤銷。李鼎新一同列名。海軍獨立。遂亦同在取銷之列。卽由李氏電致政府。請派員來申。接洽一切。政府派薩鎮冰充任。至八月十五日。接洽事宜。辦理完竣。駐滬臨時海軍總司令部。卽日撤銷。所有艦隊。仍交由各司令管理。直接聽候中央調遣。自是而全國海陸軍隊。仍完全歸中央統率矣。

(完)






# 戰後遠東列強之地

## 位

譯太陽報末  
廣重雄原著

許家慶



德國自開戰以來。陸上到處大勝。占領北法。征服比國。於西俄則壓迫俄軍至國防第二線。於巴爾幹則滅塞國。德軍所占領區域之面積約十七萬方里（英里）較奧匈國廣六萬方里。較德國狹三萬方里。然於海上。大爲不振。開戰以來。德國海軍潛匿於基爾運河。致本國與殖民地之聯絡斷絕。非洲及太平洋之殖民地。幾失其全部。去年三月以後。英法協同勵行封鎖海口。而德國海外貿易全滅。德國商船。在開戰以前。有五百萬噸之多。開戰以後。或被捕獲。或停留於中立國或本國港內。致德國國旗不留隻影於今日之海上。本年五月三十日。德國艦隊欲

圖突破海上封鎖線。爲英國艦隊所擊退。如德國不能於戰局告畢以前。於海上大張其勢力。與英國海軍一決雌雄而凌駕其上。則英國海上王之地位終不動。英法欲杜絕德國貿易之計劃必奏效。德國之陷於窮迫。必日甚一日。果爾。則英法之所謂疲弊戰爭。竟得達戰爭之目的乎。吾人思之。以爲却非易事。蓋欲用此法屈服德國。需時日必多。苟英國不能以財力助俄國。則敵國猶未倒。而與國已先斃矣。無論英法財力如何雄厚。決不能如拿破倫時代之繼續長時期之戰爭。現在英國每日耗戰費四千五百萬至五千萬圓之鉅。英國能。否。延。極。長。之。時。期。直。至。完。全。打。破。德。意。志。之。軍。國。主。義。

保障。弱。小。國。之。獨。立。而。後。已。實。屬。疑。問。也。

世人多豫期本年夏季歐戰可了。然則本年夏季聯合

敗。北。亦。未。必。然。也。

依據去年五月所訂中日條約（關於山東省者）第一

軍之活動。果齎幾何之

效果乎。縱以極力偏袒

一方面之眼光觀察之。

亦不得不謂之互有勝

負。而。戰。爭。未。必。即。行。終

結也。且可豫料將來之

結果亦無非互有勝負

而已。

聯合諸國。近來時時傳

播德國疲憊之消息。且

指德軍維爾東通（凡

爾旦）之奮鬪為最後

之血戰。謂此戰而德軍失敗。勝負之局從此定矣。然以

吾人觀之。德軍之力未必盡在於此。且謂德軍將終於



英軍 冒毒 氣礮 進攻 德軍 陣地 接戰 時兩 方兵 士均 戴面 具內 充藥 物以 祛毒 氣礮 視之 幾不 復類 人

豫料將來媾和時或將訂結條約。聲明聯合諸國與德  
國一概維持戰前之現狀者。果然則日本現在占領之

條。中國政府允諾日後  
日德兩國協定德國關  
於山東省依據條約或  
其他關係享有一切權  
利讓與等項處分。概行  
承認。故戰後媾和之際  
就於膠州灣租借地問  
題（此外關於山東省  
德國所有一切權利利  
益之處分亦然）中日  
關係上。決無可慮之事  
發生。但日本人民頗有

膠州灣租借地。不得不交還德國。日德戰爭中日本之努力。全歸於無益。戰勝之效果。化爲春夢一場矣。然此實無異杞人之憂天。蓋德國必全勝聯合諸國。始能於戰後即遠征亞東。與日本開戰。然德國果否有此實力。

殊屬可疑。苟以互有勝負之形勢。終結戰局。或因德國之敗績而議和。則如此之事。決無可慮。總之。德國關於膠州灣租借地。未與日本有所協定。則不論年限。日本依然占領之可也。日本果堅持不還。德國之主意自絕。無危懼之點。縱德國就於膠州灣租借地。與日本協定。不讓日本自由處分。日本亦無交還中國之義務。且亦實際不能交還也。

一八九八年三月。中德締結之膠州灣租借地條約第

五條。有云。如德國爲便利起見。自願在租借期限未滿以前。將膠州灣租借地交還中國。則中國當以較膠州灣更適當之地。割與德國。倘德國藉口此條件。另向中國要求土地。以代膠州灣。則如何。然此亦無足憂者。以




德國皇太子在東普魯士戰地之情形

言山東省。日本可無憂中國再將該省內地或沿岸租與或讓與外國。則以去春中國之聲明。可爲依據。日本確有令中國拒絕德國之要求之權利與實力也。關於福建省不割讓問題。則有明治三十一年之協商。至於此外地方。則德國斷無藐視日本理由。極充足之反對。而再向

中國要求土地之實力。凡此種種。皆可無庸過慮。德國朝野上下。於日本奪取膠州灣之舉。皆深致怨恨。今春普魯士議會討論文部省豫算案時。提及該國大

學戰後仍收外國留學生否之問題。有一議員起立發言云。日本人曾以曩由我國人教授使用法之武器。從背後襲擊吾人。教授如此之外。國人不啻豢養蝮蛇以害己。實屬危險之至。以後對於日本學生。不可寬待云云。據近自美國歸者言。該國東部德國種之美國人。自開戰以來。對於日本人。大加壓迫。今日德人既隨處讎恨日人如此其極。則戰後將伺機復仇。乃勢所

那威瑞典丹麥三國代表在丹麥京城議會始終嚴守中立事




自左至右  
 一瑞典外務大臣華倫保二那威外務大臣愛倫三那威樞密院長納德森四丹麥樞密院長才耳五丹麥外務大臣伊力克斯六瑞典首相哈馬斯可爾特

四  
 必然。但此次戰爭之結果。德國除本國港灣外。所有世界各方面之重要地點。已無一根據地之存在。則將來不能派兵至遠東與日本開戰。可知。苟非全世界之形勢完全改變。則所謂德日戰爭。不過純然之理想耳。若謂戰後德國將為日本經濟上之勁敵。藉此報復政治上之積怨。或庶幾近是。德國所以有今日之富強者。乃長時期間德人奮勉努力之結果。其由

來已久。非一朝一夕之功。德人不獨在平時顯彰其大國民之實力。在此次之戰爭中。竟敵富力強大之英國與兵力充足之俄國而毫無屈色。其陸戰之優勢。實由其科學之知識與剛強之氣魄。有過人處也。是故德人於戰後之奮鬥。猛進。必有足以震驚世界之耳目者。德國於此次之戰爭。雖不免於經濟上受大打擊。然其國民之魄力雄偉。祇須戰事。不過於延長。定能早日恢復國力。祇須戰敗之後。不必付給鉅大之賠款。於聯合諸國而陷於窮乏之境。則戰後不久。必能挽回其勢力。殆無疑義。

今日德國擬聯結奧匈土三國組織中央同盟。而英法俄意諸國。則擬組織經濟同盟。對於德貨。特定重稅。以期德貨

德皇臨前敵時之行程



行宮用木構造。可以隨時拆卸。卸數小時。即能搭成。

絕跡於聯合諸國之市場。假使此項同盟果然成立。德國每年將失却二十餘萬萬圓之貿易。德國失之於聯合諸國市場者。必將求償於中立國市場。以補其損失。則其竭盡心力。於美國南美諸邦及中國之市場。力求進步。冀掌握商界全權。重建海外貿易之基礎。可豫料也。

雖戰後之德國。其經濟狀況較戰前為不利。又失却東洋惟一根據地之膠州灣。然其排萬難而驀然猛進。以從事於劇烈之商戰。又可逆料其必然也。

倘歐戰結局。聯合諸國勝。則聯合諸國中。最受利益者為何國乎。法

國得恢復被德國所占領之地方。又於非洲新添廣大之殖民地。俄國得恢復波蘭及現在所失之領土。或再於奧國加利西亞與土耳其之亞爾美尼亞方面。獲得若干之新領土。至於比國塞國。縱令聯合諸國獲勝利之結果。其運命殆不可挽回。其所受之戰禍。殆無恢復之希望。在聯合諸國中。可稱為運命之寵兒者。厥惟英國。今日非澳二洲及以外各處之德

者。何。即英人之覺醒是也。自前世紀末葉以來。德國工




德皇在塞境尼薩驗問保加利亞兵士之獎章

領土。則戰前已為全球第一殖民國之英國。戰後且倍加擴大。英國於此次之戰爭。既奪全世界德國之市場。更進而大破壞德國之航海業。英國所獲有形之利益。不可限量。而其無形之利益。尤為偉大。為吾人所最當注意者也。所謂無形之利益。

商業之發達。達於極點。在世界到處與英國爲猛烈之經濟競爭。時時從事於商戰。殆無已時。而德貨竟戰勝

英貨。侵入英國殖民地及英國本國。是時英人曾大聲疾呼以警告其國民曰。美國經濟勢力方侵入英國。德國又接踵而至。英人其速醒乎。故張伯倫氏之英國經濟聯合論。實爲此而發也。然此等先覺之警世鐘聲。終未能破英人情眠之夢。幸哉。經此次之大戰。無異與英人以當頭棒喝。因有此戰。而暴露英國之毫無防備。使英人深覺其對於德國無所準備之失策。今日英國識者。又大聲疾呼警告其國人曰。若我國戰後對於德國而仍欲維持嚮日之地位。不得不施根本之改革。如貿易政策。商工業之組織。科學之研究。



法境聖密希爾附近德軍所建之單層屋


暨所有一切制度。莫不有待於根本改革。時不再來。稍縱即逝。國人其亟起圖之。無貽後悔。今日英國此種氣象。非常盛旺。苟能戰爭以後。仍不減弛。則英國之將來。必大有希望。

英國富強冠全球。百年於茲矣。近年以來。世人漸覺盛極必衰。其國家將有日中則昃之勢。慮其數十年之後。或不免步羅馬西班牙和蘭之後塵。使此戰役能令英國人大受戟刺。而覺醒。則此戰之神益英國。豈淺鮮哉。英國果能如此。則其世界頭等國之壽命。最少得再延百年。英人戰後。果以此意氣向中國猛進。則其爲日本人商業上之勁敵。較戰前尤爲可懼。我日本人可不惕然大警戒也哉。

於此戰役獲漁翁之利者。惟二國。一爲交戰國中之日



本一爲中立國中之美國。日本與聯合諸國有同盟之。防。力。以。保。護。之。故。數。月。以。來。歷。次。提。議。組。織。大。艦。隊。以。誼。萬。事。處。於。便。利。之。地。位。日。本。果。有。實。力。必。能。經。辦。聯。合。諸。國。所。需。之。軍。用。品。因。以。致。富。但。因。日。本。經。濟。組。織。之。幼。稚。故。有。利。之。事。業。均。爲。美。國。巨。腕。所。奪。去。美。國。於。此。次。戰。役。所。獲。經。濟。上。之。利。益。洵。可。謂。之。廣。大。無。邊。美。國。在。戰。前。已。以。富。鳴。於。世。今。乃。益。增。進。其。富。力。遂。漸。次。脫。離。債。務。國。之。境。域。將。爲。債。權。國。而。投。資。於。外。國。自。今。以。後。美。國。爲。搜。求。售。賣。商。品。之。市。場。及。投。資。之。地。點。起。見。於。中。美。南。美。及。中。國。各。方。面。企。圖。進。行。必。較。戰。前。爲。尤。烈。則。美。國。亦。將。來。日。本。人。商。業。上。之。一。大。勁。敵。也。美。國。人。自。知。其。權。利。利。益。既。經。擴。大。不。可。無。偉。大。之。國。



德軍在法國北境所建之平房聯隊司令部官居之

可斷言也。且屆時美國亦必挾其新增之大勢力以從事於此競爭。日本於此果有所準備否乎。期能抵抗他國在太平洋之勢力。日本與美國挾太平洋而相對峙。彼此利害最不一致。苟不乘此時。期振興海軍。來日大難何堪設想。此次之戰。亙古未有之大戰也。交戰諸國。如英法俄德等。皆已大受創。然和局能早日成立。則國力未始不可恢復。故交戰諸國。戰後必猛然奮起。皆傾注全力於恢復國力之事業。諸國雖未必能於最近數年內。再冒戰爭之危險。在遠東。求遂其政治上之志願。但其經濟上之競爭。必較昔日爲尤劇烈。

目下德國之貿易已被隔絕。東洋及南洋各方面。因缺乏德貨之結果。皆甚歡迎日本商品。然日本商工業家。遇此擴張商權千載一時之際。遇僅以戰時偶獲利益。

爲己足而無努力奮進之氣象。不爲戰後進行之豫備。欲求將來之不失敗得乎。



西歐前敵聯合軍所用之大砲

# 美國預備選舉總統記

胡學愚

## 一 年俸十五萬元之美國大總統

美國憲法規定大總統四年一改選。現任大總統威爾遜。於明年（即一九一七年）三月三日任期屆滿。繼任總統於本年十一月七日舉行初選。凡合衆國四十八州公民。均有初選選舉權。其中如華盛頓加里福尼等七州婦女。亦享有選舉權。初選完竣。至一九一七年二月八日。各州初選當選人。在本處開會。正式投票選舉合衆國大總統。選舉告竣。各將被選票數送達元老院。元老院院長彙集各州選舉票數。於二月十四日。在元老院舉行開票。將得票總數揭示大眾。其得票過半數者。即當選爲合衆國大總統。若當選票數。皆未及半。則就得票最多之三人中。由衆議院議員選舉一人。作爲當選。大總統被選資格。以合衆國公民。年在三十五歲以上。曾住本國歷十四年之久者爲限。總統年俸美金

七萬五千元。（美金一元約合墨銀兩元）中華民國大總統之年俸。則爲墨銀三十六萬元。以蕃富強大之美國。其元首之報酬。較諸以貧弱著稱之中國元首。猶未能及其半數也。

美國自開國至今。凡一百二十八年。其間歷任總統凡二十七人。其中以一人而歷二任者。凡七人。歷一任者。凡九人。未及一任而去職者。凡八人。曾歷一任以上而未及二任者。凡三人。歷任大總統之當選票數最多者。爲華盛頓。華盛頓曾兩次被選爲大總統。皆全國一致。無一票反對者。其次則爲門羅。當選票數爲二百三十二。反對者僅一票而已。上次選舉時（一九一二年）投票總數爲五百三十一票。威爾遜以四百三十五票當選。餘則羅斯福得八十八票。塔孚脫得八票云。

## 二 政黨與選舉運動

美國政界向惟民主共和兩大黨。互相對峙。其他尚有禁酒黨。社會黨及社會工黨等。然皆勢寡力弱。無足重輕。兩大黨中。尤以共和黨爲最占勢力。自一八六〇年林肯被選以後。舍一八八四年一八九二年兩次失敗外。歷任總統。幾無不由該黨選出者。就其政綱而言。則民主黨主張社會主義。以伸張個人自由爲主。共和黨則主張國家主義。而贊成實行中央集權者也。然至上次選舉。兩大黨對抗之形勢。爲之一變。於兩大黨外。更產生一新大政黨焉。先是羅斯福謀任第三次大總統。乃與塔



美國民主黨大會之會場(在聖魯義思) 孚脫爭爲共和黨候補員。其後塔孚脫竟獲勝利。被舉爲共和黨候選總統。於是羅斯福乃脫離共和黨。另創進步黨。謀與塔孚脫相競。共和黨既分爲二。民主黨之候選員威爾遜遂得當選爲大總統焉。此次選舉。共和進步兩黨。雖頗悟分裂之非計。然以候選員之不能同意。故一時亦不易於調和。至於各黨預擬之候選員。則在民主黨爲威爾遜勃賴陽(前國務卿因美德交涉事件辭職者)等。在共和黨爲許士(詳下)路德(前國務卿現元老院議員)等。在進步黨爲羅斯福。三黨代表均於六月中在芝加哥開大會投票選舉候

選人員。其詳見下。

### 三 再接再厲之羅斯福

一九〇一年。美總統麥堅尼被刺後。羅斯福以副總統繼其任。三年半後滿任。再被選。一九〇九年。羅氏乃推

義之潮流中。必力求擴充海軍。發展工業。庶幾有備而無患。又謂預備主義必從亞美利加主義做起。其所發議論。頗足聳動一時。要之羅氏雄才大略。睥睨一世。美洲人士之悅服傾倒之者。固亦不乏其人。五月份曠觀

薦塔氏於共和黨。塔氏因得被選為大總統。至一九一二年。羅斯福猶欲復任第三次大總統。與塔孚脫爭為共和黨候選員。不勝。乃脫共和黨。別創進步黨。卒為民主黨所乘。塔氏羅氏俱



共和黨當選候補副總統斐爾班克氏

報有勃朗大學歷史教授某君者。投文論選舉事。謂羅斯福實唯一之共和黨候選員。其推重羅氏。無所不至。大有斯人不出如蒼生何之慨。亦足以見羅氏勢力之一般矣。

### 四 三黨之大會

遭失敗。至此次選舉。羅斯福行年五十有七矣。馮婦下車。雄心未已。猶謀博得共和進步兩黨之候選員。其對於總統之熱望。可謂高矣。

選舉期近。共和進步民主三大黨。遂各開大會。召集各地代表。會議黨務。討論政綱。選舉候選總統。茲將三黨大會情形。及其結果。節述如次。

近年以來。羅氏力倡預備主義。略謂美國處此軍國主

五日上午。共和進步兩黨。同在芝加哥開大會。共和黨

選舉候選總統計共投票三次。第一二次許士得最多數。惟票數未能及格。至第三次投票。總票數爲九百八十六票。許士得九百四十九票半。遂得當選。當第一次投票時。羅斯福得六十五

票。第二次投票時。有一人大聲疾呼。謂羅氏所抱政見。與吾黨政綱吻合。諸君何不舉爲候選總統乎。然此言竟無效果。迨第二次開票。舉羅斯福者亦僅八十一票而已。進步黨則於同日選舉羅斯福爲候選總統。又候選副總統之由共和黨選出者。爲斐爾班克。由進步黨選出者爲派克云。

兩黨所宣布之政綱。不甚懸殊。大率主張預備主義。擴

充海陸軍。伸展國力。共和黨對外政綱。在鞏固中立之權利。并贊成創設萬國法廷。以息國際之爭端。至進步黨所揭出之國際政策。尤極汎瀾詳博。其所注重之三大端如左。



共和黨候選總統許士之夫人

凡爲合衆國公民。或爲土著。或爲歸化。或住陸上。或棲海中。不論其種族信仰籍貫。皆當享有平等之待遇。保持國家之尊嚴。并謀發展其正當之權威。

維持國際法之安全。

共和進步兩黨在芝加哥開大會之後數日。民主黨亦在聖路易開大會。揭示黨綱。選舉候選員。選舉結果。

仍以現大總統威爾遜爲候選大總統。現副總統馬舍爾爲候選副總統。其所發表之政綱。多與共和進步兩黨大同小異。惟其對外政策。則偏重於和平。說者多謂爲理想之政綱云。

### 五 婦女黨之發現

輓近以來。美國女權。日益發展。計全國四十八州中有十二州婦女。已享有選舉權。故選舉中。婦女活動。亦頗劇烈。諸大政黨近多主張擴張女權。如此次共和進步兩黨所宣布之政綱。皆贊成婦女之獲得選舉權。欲藉此以博得



一般女選舉人之歡心。本年五月。共和進步兩黨在芝加哥開大會時。該地忽發現一新政黨。則所謂婦女黨者是也。此新政黨爲十二州中有選舉權之婦女組織而成。其宗旨爲選舉時。當擇贊成女權者而選舉之。使當選之後。可設法運動修改聯邦憲法。以冀擴充婦女之選舉權云。

### 六 共和進步兩黨合併之趨勢

大方進步黨之開大會於芝加哥也。衆舉羅斯福爲候選大總統。一時在會代表。拍手歡呼。俄接羅斯福覆電。略謂承諸君不棄。

舉鄙人爲候選總統。鄙人不勝感激之至。惟在今日。鄙人實不能受此殊施。如此次選舉。許士所發布之政見。與吾黨政綱。不相刺謬。則鄙人願從其後。爲國馳驅。苟不然者。諸君倘再有需於鄙人。鄙人願謹奉命云云。此電發表。衆大譁噪。於是。有主張改選許士者。有主張改選威爾遜者。有主張與共和黨合併者。一時議論紛然。揆諸現勢。進步黨殆已不能支持。若另舉一候選人。又慮不足與他黨相抗。其勢所至。殊非與共和黨合併不可矣。



成本黨黨綱。俾兩黨復合爲一。共和黨允之。兩黨乃各派委員開聯合委員會。卒因兩黨所提出之候選人。不能通融。因之不得通過。然以現狀觀之。兩黨實大有合併之趨勢。何以言之。前

共和進步兩黨開大會後。羅斯福臥病數日。此係五月十四日。羅氏赴輪船碼頭迎其子自南非返國時所攝之影。

此選舉。兩黨因分裂而失敗。此次選舉。共和進步兩黨。若仍固執成見。互相分立。其勢必仍爲民主黨所勝。此其一也。兩黨所宣言之政綱。無甚殊異。苟相合併。必無困難。此其二也。曩日進步黨人。因推重羅斯福。故不能與共和黨合併。

當兩黨同開大會之時。進步黨提出勸告。勸共和黨贊。更有不得不然之勢。此其三也。有此三因。則美國政黨。



將仍由三黨鼎峙。而復於兩黨對抗之局勢。可斷言也。

### 七 威爾遜乎許士乎

羅斯福久抱再任總統之雄心。此次忽拒絕進步黨之推戴。論者多疑其態度不明。然實則羅氏本謀爲共和黨之候選員。今共和黨既已舉許士爲候選員。而進步黨之勢力。又遠非共和黨之敵。羅氏之翻然拒絕。要不愧爲知難而退也。羅斯福既出局外。於是美國之總統競爭。遂成許士威爾遜兩人對抗之局勢。

許士生於紐約州。父爲威爾士傳教士。家僅中貲。許士年十九歲。畢業勃倫大學。旋又入哥倫布大學專修法律。科學成。在紐約操辯護士業者數年。後復主講高納爾大學及紐約法律專門學校。一九〇六年。紐約議會組織一委員會。討論紐約生命保險公司事。許士被推爲委員。在會中多所建白。以是蜚聲鄉里。遂得當選爲紐約州民政長。在任之日。政聲四播。任滿後改任大理院判事。此次共和黨舉爲候選總統後。已辭去判事之職矣。許士爲人。寧靜澹泊。惻愍無華。然其才略學詣。自

足冠絕羣倫。此次得當選爲共和黨候選員。自其道德學問政事。有以致之。與時流政客之專以標榜誇張阿時。干譽爲獵取權位之手段者。固不可同日而語。美國人士。有稱許士爲民意之候選員者。且謂此次羅斯福之不敵許士。實民意戰勝之徵驗也。許士自被舉爲候選員後。即復電共和黨。允許出山。并發表一己政見。大旨謂現在吾美外交。種種失敗。不勝殫述。此後當採正直親睦之主義。一洗懦弱關茸之政策。且謂於預備主義及其他共和黨所宣布之黨綱。均所贊成。願與黨中同志協力進行。同謀貫徹云云。威爾遜亦已允再出爲民主黨候選員。威氏親政四年。雖其外交方針。過取和平。一部分之美人。頗不滿意。然民主黨人。則皆奉爲唯一之偉人。故勃賴陽雖竭力運動爲民主黨候選員。終亦不能與之相抗。共和民主。爲美國有史以來之兩大政黨。而許士與威爾遜。又爲旗鼓相當之兩大勳敵。則此後紛角逐之選舉場中。鹿死誰手。正未可知也。

# 海戰術之新傾向與造艦政策

譯太陽報日本某  
海軍參謀原著

許家慶

## 一 緒言

歐戰開幕以來。於今將及兩載。曩日日俄戰役。僅一年

四日北海突加辦克海戰而已。此外不過巡洋艦以下  
潛水艇之戰鬪。大艦巨舶犧牲之裏面。常隱存潛水艇

有半。而其間主力之決戰。屢有巡洋

艦之戰鬪及魚雷戰隊壯烈果敢之

夜戰。當時各種海上兵器。殆全部使

用。與吾人以無量數有利益之教訓。

因此之故。罷兵以後。特於海上之兵

力。施重大之變革。今日歐洲戰爭。須

再費若干時日。方能告畢。固未能預

料。但自開戰以來。所經時日。已過於

日俄之戰。而重要之海戰。僅一九一

四年八月二十八日之希里哥蘭德

海戰。及同年十一月一日之哥羅納爾海戰。同年十二

月八日福克蘭島附近之海戰。一九一五年一月二十

皆使用巡洋戰艦以下各艦。戰艦概不加入。英德兩國  
海軍司令官將如何指揮操縱其大艦隊。而演出驚人



德國海軍大臣 喀潘 兒烈 氏

軍及掩護陸軍上岸之作戰。(四) 擊陸上之作戰。此外更可細分為若干種之小作戰。至所使用之艦艇。自戰艦以下。各種俱備。凡集合數艦隊共同作戰之時。



德國前任海軍大臣 鐵爾 必芝 氏


之威力。海上盛名。幾讓潛水艇獨享之矣。此次之海上作戰。可分為四類。(一) 破壞貿易及保護貿易之作戰。(二) 封鎖敵國艦隊之作戰。(三) 輸送陸

之大海戰。此吾輩向以最濃之興味引領而望者也。詎料開戰至今。未獲一觀所期待之大海戰。不能無失望之感焉。

雖然吾人於潛水艇巡洋戰艦飛行器等之實用。則獲得無量數之教訓。茲就其無關於軍事秘密範圍。而認為足以左右將來造艦政策者。陳述鄙見一二如左。

### 二 礮戰距離之延長

以今日之海戰與日俄戰役中之海戰相比較。而發見最顯著之異點。則礮戰距離約延長二倍是也。日俄戰爭之際。從一萬米內外開始發礮。六千米附近。



日德蘭 Jutland 英德大海戰英艦隊放射大礮之狀態

為酣戰之距離。此次之戰爭。苟無何種特別情事。從一萬五千米以上或二萬米內外開始發礮。則一萬二三千米為酣戰之距離。常於一萬米以外決定勝負。

去年一月二十四日之北海海戰。英國艦隊。從二萬米開始發礮。不入於一萬米之距離以內而告終止。前年十二月八日福克蘭島附近之海戰。從一萬五千五百米開始發礮。常以一萬米以上之距離。互相交戰。他如德艦愛姆屯號。礮擊澳洲悉德尼。勃列斯勞號對格魯斯泰之礮戰。皆於一萬米澳洲以上之距離行之。據戰史所示。乃知戰鬪距離之遠近。可依所使用之兵

器之精粗及其破壞力之強弱以斷定之。彼用刀槍弓箭之時代。兩軍相距最近。自大礮出而相距稍遠。自有魚雷之製。而兩軍距離愈遠。迨大礮魚雷兩者之製益加精良。於是戰鬪距離次第延長矣。

戰鬪距離之延長。全賴礮之精良。固不待言。而照準機及射擊指揮裝置之進步。亦大與有力焉。日俄戰爭以後。魚雷之進步。尤為迅速。因氣壓之增加。與噴水加熱器之採用。而增大其速力及有效距離。今竟能達一萬米以上之遠。因此之故。欲避敵軍魚雷之威脅。不得不更事研究。以延長戰鬪距離矣。

礮戰距離之延長。於將來軍艦裝備之礮種及礮裝。將



象現之戰海大德英 Jutland 蘭德日

有如何之變革乎。夫礮之威力。全視乎彈丸之良否。填充彈丸之炸藥之強弱。與夫信管之良否。而有強弱。固不待言。大致於戰鬪距離內之彈丸之動力大有影響。

夫彈丸之動力。為其重量與速度相乘之積。故速度大。雖輕彈其動力亦大。重彈與輕彈互相比較。則輕彈以空氣之抵抗。減耗速度較多。故在礮口之速度雖相等。在遠距離之殘速。則重彈較大於輕彈。而彈道亦較平。命中之點。亦易於測準。據如此之推理。則近距離固不待言。即於遠距離。亦以巨礮為便利。將來海軍之重用巨礮。可豫料也。其次為礮裝。決定一艦內裝備之礮數。當以何者為根


據。記者以爲依據觀測力所能及之彈數以決定艦內  
砲數。實屬良法。而觀測力所能及之彈數。視觀測者之

精良之觀測鏡發明。則此問題自然解決。

### 三 航海力之必要

能力而有多寡。大致爲六發或四發。即同時落下彈丸六個或四個。觀測者能觀測之也。因此一艦中裝備之砲數。宜十二門或八門。即其倍數。最爲適當。如此則得繼續最有效之發砲。美國俄國奧國日本。皆係十二門。英德兩國八門。法國十六門。

然遠距離戰爭。彈着之觀測困難。故上記之觀測彈數。並非實數。尚須減折若干成。他日如法國之十六門主義。必全然廢止。十二門主義。亦將有動搖之勢。或將減至十門或六門。未可知也。




英 國 新 式 低 舷 鐵 甲 艦

軍艦之戰鬥力。以攻擊力防禦力及航海力三者爲要素。而此三者。又互相矛盾。如欲一定軍艦之排水量。使有最大之攻擊力及防禦力。即不得不犧牲其航海力。如欲求航海力及攻擊力優勝。即不得不減殺其防禦力。故所謂理想的軍艦。不過巧爲配置調和此三要素耳。此三要素之配置。又依其國國民性與軍人戰術思想而異。一國之最良艦。不易得他國之承認。甲國認爲最良者。乙國或從而否認之。丙國雖容認之。而丁國又不滿意。於是乎不得已。兩分此矛盾之要素。甲種注重攻擊防禦二力。而犧牲航海力。乙種注重攻擊航海二力。而犧牲防禦力。當其實用之

論者謂砲裝之問題。以觀測彈丸之人力爲基礎。故有

際。此甲乙兩種。常互相連繫。而為共同作戰。屬於甲種者。為戰艦。屬於乙種者。為巡洋戰艦。日本海軍。向研究此種主義。自經日俄戰爭及其後之研究。而益肯定此主意為良法。其海軍之主力。以戰艦及巡洋戰艦形成之。蓋兩者並重。無分軒輊也。

歐美軍事專門家。僉謂兩軍決戰之時。航海力並非重要之要素。故寧犧牲航海力。惟使其絕大之攻擊力與防禦力。較為得策。而否認巡洋戰艦之效力。惟觀古來之戰例。兩軍交戰之初。即互懷決戰之意志。而從事戰鬥者甚少。大都為敵所強制。不得已而戰。如日俄戰爭中八月十日之黃海海戰。五月二十七日之日本海海戰。皆是也。如敵軍




從上浮空之際。氣球之下。氣球之船。之形狀。

初無決戰之意志。我軍自以勢力較優。而向之挑戰。敵軍無奈。與我軍應戰。當此之時。勢力較弱之敵軍。每有機會。輒思逃避。若此際我軍之航海力不強。即不能強敵應戰而斃之。祇有任其逸去而已。若我軍被敵追擊。航海力強大。亦易於脫離危險。而安全退却。總之。無論挑戰或避戰。航海力之為必要。不待言也。

今日之戰爭。尚未遇使人注意及於航海力之海戰。必於遠離根據地而行戰鬪之動作時。始明認航海力之必要焉。

德國海軍之方針。本預定配置巡洋戰艦八艘。輕巡洋艦十二艘於海外。故於地中海祇有戈班號一艘。於東

洋僅配置沙淪福爾斯得號及喀尼悉那號兩裝甲巡洋艦。地中海姑措而不論。在東洋方面。對於以此兩裝甲巡洋艦為幹部之德國艦隊。英國以戰艦三艘。巡洋戰艦三艘。裝甲巡洋艦約十艘。輕巡洋艦約十艘。法國以裝甲巡洋艦數艘。日本以全部艦隊。始得殲滅之。使德國在東洋者。非裝甲巡洋艦。而為航海力與攻擊力俱優之巡洋戰艦。則其為害當更烈。掃除將愈難。聯合軍一方面。攻擊力與防禦力優勝之戰艦雖甚多。然其航海力不及巡洋戰艦。故欲滅除敵艦。不得不動用多數之艦隊。對於區區二艘之裝甲巡洋艦已如此。苟德國照預定辦法。配置八艘之巡洋戰艦於各地。則聯合軍之受害。必更鉅也。



德國魚雷艇隊停泊軍港圖

自潛水艇發達。而催促軍艦航海力之增進。愈亟矣。故戰後列國之艦艇。注重於增進航海力。向此方面進步。發展。可豫料也。

#### 四 潛水艇之教訓

潛水艇之威力及其及於軍事上之影響之大。記者曾屢有所論述。茲將其及於軍事上之影響之最顯著者。略述一二如左。

(甲)增封鎖之困難 封鎖艦隊最當警戒之事。在不使敵軍得知其配置。然飛行器之發明。一面便利封鎖艦隊。一面又大便利被封鎖艦隊。即上升空際時。則封鎖艦隊之配置。瞭然在目。在白晝可使用潛水艇。夜間可使用驅逐艦。向之襲擊。是以封鎖艦隊。必須配置於遠離敵港之海面。因此封鎖乃不得不寬。封鎖寬則敵人脫出之機會較多。日後必有以飛行器代巡哨艦。從空中監視敵港之


事實發見也。

(乙)艦艇之行駛常用高速力且有屢次變針之必要

軍艦等暫泊或漂泊於有潛水

艇出現之虞之海面。其危險不待言。即航行於此等海面亦須常用高速力。否則將爲潛水艇所邀擊。且以微速力長航行同一針路之時。亦足使敵人得有奇襲之機會。故將來之戰爭。燃料之消費量必愈多。

(丙)通過狹海之危險 潛水艇之速力不及水面之艦艇。故欲用潛水艇擊沈艦艇。須選遭遇艦艇之機會最多之地點。潛伏水底待敵艦之來而擊之。如此之地點。即港灣之口。及狹窄之水道。故艦艇通過是等地點。乃大



德國巡洋艦恩大引號已在波羅的海被英潛艇擊沈

爲危險。因欲避此危險。須於夜間滅燈。用高速力突進。如此則雖有敵軍之潛水艇潛伏水底。亦難發見艦艇。

自能免於襲擊。故將來艦艇之操縱。愈須加意磨練。且須多耗行動費以訓練之。

(丁)艦隊主力與警戒部隊 向來艦隊主力行動時。不需警戒部隊之處。此後亦須加意警戒。前後左右。以高速度之巡洋艦與驅逐艦擁護之。空際以飛機保護之。

(戊)輸送陸軍及登岸之危險 輸送陸軍。多用民間汽船。此等船舶。因經濟關係。其速力多遲鈍。雖將來事事改良。汽船之速力。亦必大有進步。然恐不能與潛水艇之速力相比伍。至其不能及水面艦艇之速力。更不待言。



矣。因此之故。輸送陸軍實大危險。在敵軍之前上岸。其一部。尙未得詳細之情形。僅僅報紙所載不成片段之報事之危險。固不待言。苟在備有潛水艇之敵國海岸。運陸軍上岸。亦爲非常冒險之事。如德國在膠州灣。豫置潛水艇。則在山東省沿岸。運陸軍上陸。決非易事。故將來列國於防禦領土上。必使用多數潛水艇也。


此外如檢查商船。轟擊礮臺等。其他軍事上之行動。莫不受潛水艇之大影響。將來之軍備及造艦政策。必將以此爲動機。而有重大之變革也。

### 五 結論

此文屬稿時。適得英德大海戰之報告。〔本年五月三十一日〕因是日之

海戰。有弩級艦（無畏艦）之戰鬥。故吾人深望從此獲得種種之新教訓。以供研究之資料。然是時英國海軍

德 國 巡 洋 艦 毛 奇



（即爲英國潛水艇所擊沈者）

告。無從得知其真相。若欲查明其實事。而從事於研究及判定。須俟異日。今所能知者。惟關於速力之教訓耳。從此次之海戰所得關於速力之教訓。不過得其大體。未能涉及細微。雖然。從此二三條之教訓研究之。已足以想像將來艦型之變遷之趨勢。蓋因戰鬥距離延長之傾向。及航海力增加之必要。對於戰艦。自然發生如次之要求。

一 礮之口徑更加大。備礮數減至十門以內。

二 礮彈之穿徹力不能洞穿裝甲板。故可以現今戰艦所裝之甲板之厚爲度。不必再行加厚。

三 速力須再增加。將來之戰艦速力。須過於潛水艇之水上速力。至少每點鐘較潛水艇快三四海里。

由此可知戰艦之排水量須再加大。專向巨礮迅捷兩者積極進行。以圖改良。

餘如巡洋戰艦及輕巡洋艦驅逐艦等。皆須以戰艦爲基礎。而決定其要件。戰艦既向巨礮迅疾兩者漸圖改良。則巡洋戰艦。自然亦以巨礮及速力爲要點。聞現在美國議會所審議之海軍擴張案中。之巡洋戰艦。係三萬六千噸。每小時行駛三十五海里者。以今日之現狀。如此之速力。實爲巡洋戰艦所必要。故輕巡洋艦與驅逐艦之具有高速力者。不久當出見於海軍界矣。潛水艇於此次之戰爭。曾屢奏奇功。惟有待於改良之點尚多。其中最稱重要者。爲增進速力一問題。由此觀之。戰後各種艦艇之改革。皆以增加速力爲公共之目的。殆無疑也。

關於一國之軍備問題。將來消極性防禦之武器。必以潛水艇爲最有勢力。彼小型驅逐艦與魚雷艇。行將悉被淘汰。而由潛水艇代占其地位。凡距離本國遙遠之殖民地。皆須置多數之潛水艇。以當防禦之任。其擁有多數殖民地如英國者。若欲每一殖民地置一艦隊。又未免費用浩繁。難乎爲繼。則宜擇中心地點。駐有力之艦隊。其所備實力。須足以赴各殖民地之急者。各殖民地各備潛水艇若干艘。其所備實力。須遇有變故。能支持。至於救援艦隊之來援者。此有力之艦隊。卽快速戰艦或巡洋戰艦也。由上述各種情形觀之。將來組成一艦隊之各種艦艇之配合分數。亦必大有更變。一艦隊中巡洋戰艦及潛水艇之艦數。必大爲增加。而面目爲之一新也。

# 潛艇運貨之創聞

胡學愚

## 一 破天荒之潛航商船

德國潛水艇『德意志國』號。Deutschland 自德國出發。潛航至美。於七月十日上午六時四十分停泊美國巴爾的馬 Baltimore 船埠。載有顏料藥材七百五十噸。此事一出。遂起舉世之驚駭。先是兩日。英法政府方頒布命令。重申海禁。嚴防敵國商船。偷漏行駛。自此消息傳聞歐美。協約國之海面封鎖。乃受莫大之打擊。德人行事之出人意料。蓋未有甚於此者也。又聞德國近來所造成之潛艇。專供載貨之用者。不止一艘。此後每星期將有載貨潛艇一艘。行抵美國。不特美德貿易。將恢復戰前之狀況。即德國製造軍需所缺之銅。鎳。橡皮等物。亦可自美國運往。以供延長戰事之用。此種潛艇。如增造至四十二艘之多。則每日可有載貨潛艇一艘。行抵美埠。德國海外之商業。將無所阻礙。所謂海面封

鎖。從此於戰爭上。殆無價值可言。然則此舉之關係歐洲戰局。豈不大哉。

## 二 『德意志國』號

德國製造家之倡議以潛艇運貨。不過數月前事耳。先是協約國既封鎖海面。禁止敵國商船行駛海面。德國對外貿易。完全斷絕。於是德國人士。乃發生潛艇載貨之奇想。立時建造專供運貨之潛艇『德意志國』號。其事雖奇。以言其理。亦殊易易。蓋戰鬪用之潛艇。皆載有水雷魚雷水雷管快礮等。今盡棄去此等軍火。改裝商品。自亦不難。且運貨之潛艇。速力不求過大。則雖增大其容積。亦無妨也。『德意志國』號長凡三百十五呎。幅廣三十呎。喫水十七呎。艇內用六百馬力之提賽爾式煤油發動機兩具。速力行海面每時十二三哩。行海底則為七哩。浮海面時有排水量二千噸。此次來美。淨載

貨七百九十一噸。惟其實力可至千噸之多云。

『德意志國』號於六月十三日自勃來門 Bremen 下水。後至海耳哥蘭 Helgoland 逗遛數日。六月二十三日始自海耳哥蘭出發。至七月九日始抵基撒比克灣 (Chesapeake Bay 在美國大西洋岸) 其間十六日共行三千八百海里。中由海底潛航者凡九十海里。其出發時經由北海。潛過英吉利海峽。伏海底至一夜之久。該地有無數英國巡船。皆未及覺察。艇端備有顯微音器二具。雖在六哩以外之汽笛聲。亦能覺察。敵船雖距離甚遠。其形式狀態。皆能視察明瞭。故雖巡船密布。終能逃其耳目。出發時載燃料一百八十噸。及抵美埠。尚



德意志國之全體艇員

餘九十五噸。儘可敷歸途之用。艇抵美埠時。艇內人員。皆強壯健全。無一病者。艇長名可尼格。Paul König。其人約四十二歲。老於航海。艇員咸恃為鄉導。餘凡軍官八人。水手二十一人。則皆自十八歲至二十三歲之少年。艇可潛伏海底。歷四日之久。且能在深三百呎之海底。航行無阻。艦長又謂其歸途將平安無阻。一如來時云云。其勇敢有如是者。

### 三 平和之發明

自開戰以來。德國軍事上所發明之新事新物。不可勝數。類皆新奇神怪。足資談助。至若此次潛航商船之發現。則尤足引起世人之贊嘆。前時德軍之所發明。如長距離礮也。毒氣體

也。徐伯林飛艇也。雖皆有軍事之價值。然以其殘賊人道。多爲世所詬病。至若此次之所發明。則既不殘害生命。又不破壞戰爭法規。故雖向日與德爲敵者。亦惟讚賞。不能加以訾議。如紐約晚報云。

潛水艇之行長距離。實不足爲奇。蓋自昔已有之。惟此次之『德意志國』號。則爲一完全之商船。而非戰船。自此以後。美德間。可闢一直接交通之海道。凡諸海面封鎖。及種種海底之危險。舉不足以阻礙德國之貿易。此法一行。吾知必足引起全世界之嘆賞與慶賀也。

費賴台爾費亞某報云。德國今已



德意志國號艇面之瞭望臺


深悔殘賊人道之罪過。而別籌補過之法。於此次潛航商船之發明。足以見之。潛水艇爲六十年中所發明之物。自發明之後。雖迭經改良。然皆供殘賊人道之用。蓋舍戰事之外。潛艇實一無可用之處。德人今乃別出心裁。竟以戰爭中兇殘之武器。改作便利商業之用。吾故知德人已有悔過之機。將來或棄其舉國若狂之軍國主義。而翻然改圖。平和之事業。正未可知也。

#### 四 『德意志國』號與美

#### 國中立之關繫

『德意志國』號。將於七月二十日內。啓旋返國。聞協約國艦隊

德國新式潛水艇之上部



舊式潛艇上部僅設瞭望塔二形甚小內裝瞭望鏡以辨方向近來所發明之新式潛艇則不然其上部地位廣大分爲兩層上層爲軍官瞭望之所下層之前端則裝置瞭望以供發射快砲之用

已在撒賽比克海灣。嚴防以待。未知該艇將以何術過此難關也。繼該艇而來美者。尙有較大之U字艇名勃來門云。

以潛艇運貨。爲國際法上所未訂明之事實。自『德意志國』號抵美後。英法駐美公使。卽向美政府詰問。美政府亦無明白之表示。至此事於美國中立。有無關繫。美國各報。皆著論辨之。多謂該艇來美。所載無非顏料藥材等物。軍火除手槍來福槍數事以外。如魚雷水雷快砲等。皆未設備。故係純粹商船性質。與美國中立法規。不相抵觸。此次歸航。聞須運歸銅鎳橡皮等貨。並不夾帶火器炸藥等違禁物品。以是於國際上。實全無問題云云。

# 歐戰之主因與舊式政策之滅亡

許家慶

英國評論家潑里斯氏嘗盡瘁於平和運動近著一文揭載本年四月刊行之『康吞泡賴婁評論』雜誌中其詞意頗近理想如其結論所言果能於近代見之與否尤屬疑問然其議論頗含眞理所述戰爭之原因尤中肯綮茲節譯如左

今日者數百萬人民在戰場中送慘苦之生活數千萬人民受戰爭之影響感種種之不便最寶貴之血液與鉅額之金錢浪費於大戰爭者不可限量際此時代因生機之日促人人抱不安之念而尤爲多數人所研究者卽爲『何故發生此戰亂』之一問題也研究此問題者多爲眼前之現象所迷惑於其眞原因之所在曖昧不明其爲淺薄之愛國心所驅者則徒然奮鬪絕不研究戰爭之原因也

假如今有公平無私者一人使其遍歷現今歐洲諸國

詳細考察諸國民對於此次戰爭之原因抱如何之思想則其所得者可逆料其不出下列二類


第一類認戰爭之原因在本國以外嫁罪於他國民英人謂罪在德國德人數英人之罪奧國歸罪於俄國俄國則鳴奧國之非

第二類亦具有第一類之武斷思想而歸罪於一人者例如德人指英國外務大臣葛雷爲發起人英人則謂因德皇威廉第二鼓吹軍國主義以致有此戰亂

以諸國人民所言者互相對照其間矛盾甚多無從判斷孰說較近眞理記者以爲如上所述普通之戰爭原因說未免過於簡單且失之淺薄蓋如此之大戰禍斷非出於一國國民之惡意亦斷非出於一人之野心或兇念威廉第二誠爲鼓吹軍國主義者彼爲此主義之代表人固彰彰也然此次之戰爭並非彼一人發起縱

無。威。廉。第。二。亦。必。不。能。免。此。次。之。戰。禍。縱。今。日。威。廉。第。二。忽。然。逝。世。必。將。有。與。彼。同。性。質。者。或。提。倡。軍。國。主。義。較。彼。更。強。烈。者。代。之。而。起。無。容。疑。也。戰。亂。之。真。原。因。實。在。武。裝。平。和。嚴。重。武。裝。以。保。世。界。平。和。之。政。策。乃。近。數。十。年。來。列。國。政。治。家。之。所。實。行。也。今。日。者。破。產。與。自。殺。之。時。機。已。至。所。謂。國。力。平。均。之。說。已。破。諸。外。交。家。目。睹。多。年。間。苦。心。經。營。者。之。歸。於。泡。影。而。大。憤。慨。實。則。如。此。之。結。果。乃。當。然。之。事。也。今。已。明。白。表。示。彼。等。所。時。

香 檳 業 法 軍 第 一 道 防 禦 線 中 之 一 部 分 攝 影



上 圖 爲 陸 軍 塹 壕 之 一 其 結 構 分 三 層 每 層 皆 以 石 壁 與 木 柵 組 成 之 每 層 皆 有 極 深 之 橫 穴 以 避 敵 人 之 砲 火

之。種。子。不。結。平。和。之。果。實。而。生。戰。亂。武。裝。之。國。民。徒。增。恐。怖。而。已。歐。洲。諸。國。皆。因。已。所。企。之。防。備。策。而。陷。於。自。殺。武。裝。平。和。乃。違。反。豫。期。而。成。爲。有。害。之。夢。想。論。者。皆。謂。『。德。國。者。軍。國。主。義。之。國。家。也。因。德。國。逞。暴。行。之。故。遂。有。此。次。之。戰。爭。』。夫。此。次。歐。戰。德。國。誠。不。得。不。負。其。責。任。然。提。倡。軍。國。主。義。者。實。不。僅。德。國。不。能。目。德。國。爲。普。魯。士。主。義。或。軍。國。主。義。之。專。賣。人。試。觀。泰。晤。士。報。晨。報。Morning Post 每日新聞 Daily



Ly Malli之論說。則知英國亦有主張軍國主義之人。德國所以與他國不同者。在他國抱軍國主義者。人數較少。惟德國則普魯士主義支配德意志全國。普魯士國能使全德意志國民。屈服於其軍國主義之下耳。至於英國。則祇有一部分少數之人民。發表此種意見。故謂德國為軍國主義之代表者。則可謂德國為唯一無二之軍國主義者。則不可。

法 國 陣 亡 兵 士 之 墓




(上 插 旗 以 識 別 之)

失敗者。大致謂『因保加利亞聯合德奧。致令塞爾維亞陷於悲慘之境。希臘與羅馬尼亞。亦逡巡躊躇。觀望不前。凡此皆由於聯合國外交政策之失敗。』然據記者之眼光觀之。巴爾幹之現狀如此。實可視為當然之結果。蓋武裝平和之世界中。偶有一強大之國家。拔劍而起。則立即區分為兩大團體。即諸國互相聯合。分別為敵國與與國之兩大團體也。一旦強大之諸國。既各與其共利害者相提攜。而成為兩

大軍相對峙之形勢。則其餘弱小之諸國。不得已而捨。德國也。當初彼欲免戰爭。即無戰爭矣。然彼實故意開。棄正義恩誼及怨恨。專注重於自利。一方面乃必然之勢也。蓋弱小之國。際如此之時局。除謀自利之策以外。別無他道。是以巴爾幹諸國之不思。平日交誼。不肯協助聯合諸國。更無足怪也。

由此觀之。則謂此次歐洲戰爭之責任。須由各交戰國分擔之乎。但按諸事實。又不能如此一概論結。戰爭之事宜區分爲二。一爲當面之責任者。一爲真正之原因。此次歐戰當面之責任者。德意志也。當塞爾維亞兇漢刺死奧國皇儲時。德皇於一切平和手段。概斥而不允。專主張以武力解決。且侵犯比國之中立。蹂躪人道者。



法國之大砲彈。德報稱爲法蘭西魚雷。此彈以發而不燃。由德人去其藥而伏匿其中。藉爲護體之具。彈長約英十四尺二寸。圓徑約英一尺八寸。最近十年間。極危險之空氣。瀰漫於歐洲之天地。歐洲人士。心目之間。皆抱恐怖之觀念。以爲國際何時破裂。難以豫料。是以明眼人。皆逆料此互

古未有之戰禍之必至。窺探其危險之根源。曰武裝平  
 和。曰國力平均。夫嚴重武裝。以保國  
 力平均之政策。僅得保證暫時之平  
 和。而不能求得永久之平和。永久之  
 平和。決不能以恐怖為基礎。而成立  
 武裝者。以恐怖為元素者也。所謂武  
 裝之平和。無非武裝之恐怖而已。近  
 十年來之政治家。口道平和。而實際  
 所施之政策。則與平和絕對相反。蓋  
 其政策。多出自偏狹之國家的自負  
 心與嫉妬心與恐怖心。此實為侵害  
 平和之毒素。製造戰爭者。飛揚跋扈  
 而主持平和者。日退處於無權之地  
 位焉。



法 軍 槍 斃 德 國 間 諜

今日歐洲諸國民。已遇一大試驗。歷年以來所行之政  
 策。果否有益於希望平和之目的。當於今日驗之。今日


國。樹立。含此精神之政策。使此舉而實行。則因此次之  
 戰爭。而生之悲慘。皆所以抵償既往之愚昧與罪惡。此  
 如極度屈服德國。以後決不至再  
 有戰亂乎。記者以為今後之政治  
 家。果仍墨守武裝平和國力平均  
 之政策。則大戰亂之起。且將連續  
 無已也。以此政策而求平和。不啻  
 南轅而北轍。向來之政策。今日宜  
 從根本上打破之。今日在戰場者。  
 在後方者。皆澈悟舊政策之無價  
 值。而今後之政策。宜參入人道之  
 精神。諸君不見西半球之合眾國  
 及加那大。皆實行提倡人道的精  
 神之政策者乎。吾人亟宜倣效合  
 眾國及加那大。於今後之歐洲諸

次之大戰爭。無異爲既往之誤謬政策。舉行葬禮也。德國爲此次歐戰當面之責任者。故吾輩應與之奮戰。至於最後。彼又爲擾亂平和之第一人。故吾輩當羣起攻之。至於德國不能再起。但吾輩不能從地圖上除去德國及德國人。即使果能除去之。吾人亦不思除去之。吾輩祇須懲德國。不必憎德國人。吾輩須教訓彼等。使知軍國主義之終於無效。而不得不放棄此主義也。

以上所言。並非夢想。當絕斷過去之誤謬。建設將來之歐羅巴之際。如果欲以誠實堅固之判斷爲基礎。則真正平和之世界。自不難實現也。凡德國派之文化。帝國主義。腕力主義。恐怖之武裝。國力平均等學說。皆爲陳腐有毒之古物。吾輩不可不亟棄之。當今時代。所最要者。爲高尚仁慈。而具有範圍廣大之愛國心之政治家也。



倫敦病院中之傷兵



塞維爾紀念日之英國養國塞維爾三兒維塞國養日紀維塞  
爾亞爾之英留念亞爾  
集人三兒維塞國養日紀維塞  
保集人三兒維塞國養日紀維塞  
教保集人三兒維塞國養日紀維塞  
唱教保集人三兒維塞國養日紀維塞  
爾亞爾之英留念亞爾

## 英德海戰之前途

譯日本新日本雜誌

章錫琛

英國對於此次歐洲戰事。實有大小二目的。大者。乃欲從根本上挫折德國之世界的勢力。小者。即欲杜絕德國海外軍需品之輸入。俾戰事可早就終結也。今日英國一切行動。殆莫不趨向於此二目的。因欲達前之目的。故攻略在世界各方面之德國殖民地。無論勝負何若。務使德國不能由歐洲跼蹐之範域。伸展其勢力於世界各方面。今此計畫已略有端緒。德人非卷土重來。殆不能如戰前之張厥勢力於世界。而况英國之海上權仍占優勢乎。因欲達後之目的。故厲行海上封鎖。務使德國不能由海上輸入軍需品。經開戰以後。多大之努力。已令德人大受苦痛。縱令德國國內有無限之資源。與卓越之科學力。而海外交通。為英國完全隔絕。究非勝算。英國對於此舉。用力可謂周至。自開戰以迄今日。於德國北海沿岸。行嚴密之封鎖。既使德國不能輸入軍需品。而聯合軍方面在大洋之輸送貿易。亦得以

確保安全。聯合軍各國之受其賜者。蓋非細也。自大戰開幕以來。陸上之戰。大有如火如荼之勢。而海戰則無可觀者。惟去年一月特高斯湖附近一役。聊堪注目。嗣是英國在北海之封鎖。效力漸著。及至此次海戰。益令人深信英國海軍之堅實。德國經此次之懲創。今後之出動。倍益艱難。而英國海軍。必將益嚴其封鎖。而密其監視。恐德國必有窮苦不可名狀之態矣。英德兩國。今後有無大海戰發生。固非吾人所敢斷定。惟英國之海上封鎖。既若是其嚴密。恐德國亦無能為。萬一德國向英國採取攻勢。於英國海岸較近處開戰。則其結果。不難使德國艦隊陷於全滅之運命。德人雖愚。亦決不出此鹵莽之舉。果其如是。則英德兩國。不復有醒日之大海戰。兩國將來海上之武力競爭。必將繼續無已。縱令暫就平和。而世界之永遠平和。未易望也。

# 波斯之現狀

美人 Yonel B. Mirza 原著

胡學愚


## 一 緒論

波斯為亞洲古國。其民族歷史。為讀史者所熟知。近自

魯士化而已。

## 二 世界之惡政治國

戰禍蔓延。尤引起世人之注意。獨吾美洲人士。於波斯狀況。所知甚夥。茲篇所述。雖語焉不詳。然於波斯政治真相。頗及一二。儻亦為研究波斯現狀者之所樂聞乎。使波斯陷於外交之旋渦。則一九〇七年之英俄協約。實作之備。世謂英俄兩國。大有瓜分波斯之意。所幸察諸事實。尙不至此。蓋英、俄、兩國之經營波斯。實所以防東方諸國之普




波斯境內旅客渡淺河之情形

魯士化而已。世界之惡政治國。波斯久為世界之惡政治國。現今當國者為加耶爾 Kajar 王族。其國政治為東方式。人民不得干與政治。苟執一波斯人而問之曰。汝王何名乎。彼必曰。吾王御諱非吾儕下民所及知。君必欲知之。其詢村中之牧師乎。蓋波斯人民中能識其元首之姓名者。迨未及半數。彼輩但知當効忠於邪音邪。波斯人稱其君曰邪。邪音邪者。猶言王中王也。

現時之波斯政府。殘惡不仁。暴戾無道。其所施政。未嘗有一事。謀及人民之幸福。全國無一礦區。無一工廠。政府亦未嘗建一病院或公立學校。波斯地域。二倍於德意志帝國。而全國所有鐵道。僅二十五英里。且為比利士人之所經營。全國無一新式農具。稻麥自播種以至收穫。皆以人力為之。未嘗假手於機械。他種製造工業。亦無不如此云。

### 三 買賣官爵及苛稅



英國商隊行經波斯之山村

顛連。其波斯之謂乎。嘗讀馬爾哥姆氏 Malcolm 之史紀。中有一段云。

凡東方專制政府。遇其大臣犯罪。往往處以嚴譴。而不視其官職。曩吾居波斯莫末可汗 Aga Mohnet Khan 朝中。時首相依勃賴漢 Haji

Ibrahim 以事被譴。罰令裸立日光下。經數小時。依勃賴漢允納資八十三萬七千元以自贖。乃始釋之。

後數日。依勃賴漢仍返原任治事。且參預重要之政事會議矣。

今日之波斯政府。實與莫末可汗時未有以異。大概東方政府。多以政治爲商業。官吏可以金錢買賣。苟無金錢。則爵位必不可得。假如有人。有家資百萬元。而欲謀居顯職。則必先賂遺下級官吏。下級官吏既受賂遺。則爲之先容於上官。然後再以大宗賄賂。饋遺上級之官吏。凡把持要津之官職。平章朝政之貴人。必一一飽以財賄。乃可以上達於國王。既達於國王。若其人之獻納。足以鑿國王之欲望。其人之媚術。足以悅國王之耳目。則其拾青紫。享榮華。可操券而待矣。



求官者以財賄得官。既得官矣。則買官之資。不可不取償於民。假如此人放任外省長官。到任以後。第一事即

#### 波斯國會議員

委任徵收捐稅之屬吏。此等職司。例得出資捐納。而此等徵收吏。既以捐資得官。則必於正稅之外。力事剝削。藉以償其所失。於是貧民農戶。荷擔益重。不可聊生。往往有因家室如洗。難饜徵收吏之誅求。而棄家逃匿者。若被逮捕。則嚴刑酷罰。使不堪命。蓋苛政之猛。未有若是其甚者也。

賦歛之苛。實爲世界各國之所未有。凡波斯人民之土地。樹木。池塘。乾草。駝馬。牛羊。鷄鴨。無不有稅。畜雞十隻。則其兩隻。須入官家。綿羊山羊。每頭須納稅五角。即每羊十頭。兩頭須入官家也。餘


如牛馬駱駝。每頭須捐一元。此等稅率。年多一年。有加



無已。小兒在十六歲以上者。年須納稅半元。成人則須必叱曰。汝職在割麥。非瞭望景物也。作工之苦如是。而一元。波斯人家。每一門戶。每年須納稅五角。故鄉民住家。惟關一門。更有數家合建一大屋。聚處其中。而從一門進出者。貧苦之民。無資納稅。則掘地為室。數家合居穴中。建一茅亭其上。以遮蔽之。故徵收吏視察時。僅見茅亭一所。而不知其內有避稅之人數百家也。

#### 四 工價之低廉

世界工人之低賤。未有若波斯者。每值秋收。佃人持鎌刈麥。以日出至日入為度。未得休憩。鄉間無時計。作工時間。悉以日光為準。工人終日以鼻向地。勞作不息。苟稍仰視。督工者竣。以一人工作。須經二十三日之久。波斯之氈。為舉世



底格里斯河中土人之三角帆船

工價之廉。尤為他國所未有。男子工價。每日不過一角五分。女子則罕有及一角者。雖精於藝術之工匠。其所得工資。亦至有限。泥司鞋匠。每日工資自二角至三角五分。技術純熟之染匠。每染羊毛一磅。紅色者僅一角五分。藍色者一角。他種顏色則七八分而已。

波斯之氈。風行天下。大概最上等之氈。每方英尺須售洋十元。織氈者之工資。較他種工人為優。每日約四角四分。而一方呎之氈。自編織羊毛。至於染色。完

所服用。世人多謂織氈工人。必獲厚利。然考其實際。適得其反。此等工人。生活非常簡單。平時所食。不過麵包牛酪米穀玉蜀黍生蔥等物。羊肉則須隔二星期始獲一飽。家族聚處一室。凡烹調飲食工作睡眠。皆於此一室中。此等工人。安之若素。未常以爲苦。蓋一國人民。處於苛政之下。寧尙有安樂之可言耶。

### 五 波斯人與俄國之感情

波斯自土耳其人入據以後。歷代君主。類多殘暴無道。人民處於惡政府之下。困苦顛連。流離無告。流亡之人。乃日益增多。俄國替佛力茲 Filiz 城內居民。多爲波斯逋客。該地富商巨賈。亦多爲波斯人。昔年余游替佛力茲。嘗遇一波斯友人。余叩之曰。君効忠於波斯乎。抑多不過十五元而已。以是每屆秋收。波斯傭工。皆紛紛



底格里斯河中波斯子女之盪槳

俄國乎。其人毅然答曰。俄國耳。余曰。何也。其人曰。君不見我之金錶乎。設在波斯。我以此錶示君。君如力大於我。即可攫之而去。吾家居替佛力茲城內。故能安晏逸樂。以養吾身。若在波斯。則在在有盜賊之虞。吾在替佛力茲。可以爲所欲爲。俄國政府不加干涉。若居波斯。安得自由若此乎。吾人細聆此言。足徵波斯人民與俄政府感情之厚。波斯人民之望俄政府君臨其國。實不啻大旱之望雲霓也。

每年當收穫期。波斯工人。大部遷居俄地。以作傭工。大概收穫期三月中。波斯工人之在俄者。每人可得工資七十五元至一百元。若在本地。則至

遷居俄國。收穫既竣。則返故里。優游度歲。吸其所愛之水煙。述其鄉里之故事。以遣寒冬云。

總上所言。就現在波斯與俄國之現狀觀之。此次大戰爭中。波斯人民。必有助俄之傾向。且波斯人民。尤深望俄政府之入治其國。可斷言也。近日報紙風傳。謂波斯

人已與俄軍開戰。此等與俄軍開戰之人。決非真正之波斯人。蓋波斯有數處野蠻部落。向未受政府之統治。惟以保守其野蠻社會為事。其與俄軍開戰。亦同此意。故決不能代表全體之波斯人民也。



氏爾美爾都斯相首任新國俄

# 英日在遠東之爭霸

譯美國「評論之評論」雜誌  
Mr. Branson Batchelor 原著

章錫琛

此次大戰。英國外交之失策有二。即不能善處巴爾幹之危機。俾保加利亞即於平定。與夫防止土耳其與其中心勢力之同盟也。然其失策更有大於是者。則莫如任令日本侵入中國。致在遠東大陸樹一商業及經濟之勁敵。行見一二十年之內。必將飛揚跋扈。與在西方之德國等。其爲失策。蓋與一千八百六十一年時。縱使畢士麥侵襲丹麥。奪取石勒蘇益附近之幾爾海港。事同一轍。當時英國唯不知德有擴張海軍之野心。而加以防範。致德人竟得造成海軍之良港。遺患遂及於今日。然則後此與英國相見於疆場者。安知非今日奪青島於德國。而樹根據於其地之日本乎。

遠東問題。自德意志之驅逐而生奇異之變更。從前英俄法三國。固嘗有瓜分中國之意。特以互相猜忌之故。遲遲不敢實試。及至今日。始各翻然於此次戰後。將有

新問題從而發生。使此幼稚之勢力一經確立。與舊日之西方勢力對峙。則他日逐漸擴張。舉此西方勢力悉皆驅斥而爲之代。未可知也。

## 日本之加入戰爭

日本加入此次戰爭。本非英日同盟條約之義務。故日議員某氏嘗闢曰。德開戰。係遵守英日盟約之說。爲大愚誠哉。其大愚也。蓋日本外交政策。年來繼續發展。唯慮英國爲梗。不得不預杜其猜疑之念。青島一役。假誠信守約之美名。乘機擴張其勢力。顯然可見。試觀既取青島以後。即向中政府提出要求。當不難恍然於其加入戰爭之故。當時日本之警告。不啻視中國爲保護國。使英俄當局。果以其要求爲出於非理。必思警告日本。俾阻遏其野心。乃日本未嘗顧慮及此。而悍然爲非理之要求。是其日無餘國。彰彰明甚。日本既得中國之承

認而洞悉其憤懣不平之態。遂不敢堅持己見。冒險前進。然仍稱其餘條件並不取消。不過暫時延緩而已。今者日本軍隊雖經撤退。顧其在遠東之重要行動。固悉以斯役爲之準備。彼大隈伯爵素以手腕靈敏著稱於世。日本政策之實施。決不能如德之於土。待至二十五年之久。亦不能如英人之待遇土人。施惠以結其心。則條件之重提。必可計日而待。至於議和之日。日本縱參與會議。佔據青島一事。亦當在成事不說之例。倘欲加以驅逐。日人必不惜竭全力以相反對。然則英之失策。孰有大於許日本加入戰爭者哉。

### 英日之商業競爭

英國在華。向占有商業上最高之位置。揚子江流域之礦區。以及鐵路銀行。既大半屬之英國。而海關稅鹽稅之監督權。復在其掌握。投資額全數之巨。蓋達二十萬萬元。是其戰前之勢力。實足以遏日本統治中國之夢想而有餘。至日本勢力所及之地。僅有滿洲朝鮮等處。

當時英國商人亦知此等競爭。異日必將擴大。屢向本國政府請求防維。卒爲同盟義務所束縛。不得不伴爲聾聵。及日本既取青島。其地遂悉用日船。迨經英國抗議。始許英船航泊。加之開戰以還。歐人咸歸國從戎。益與日本以良好之機會。邇聞日政府已發勅令。規定日本貨物。應悉由日本商船運載。其由滿洲鐵路轉運者。並豁免稅款。凡此種種。莫非獎勵商人。使發展於新市場之政策。且中日交涉之初。日本首向中國要求借款。專攬之權。並與英國爲經濟同盟之磋商。關於英國之利益。尤爲可疑。澀澤男爵者。大隈伯爵所遣中美兩國之密使也。前者演說於上海曰。『二國經濟有不可缺之要素。三。一曰富源。二曰資本。三曰智識及經驗。今中國有其一。英有其二。日有其三。三國協力。則事無不舉。』又曰。『英國重要之勢力。蟠固於揚子江流域。此後對其同盟國。似宜稍加退讓。否則恐不免有權利之爭執。』此種言論。灼然如見肺肝。蓋日本外交上最要之政策。

在防。止。英。國。之。干。涉。而。已。得。自。由。行。動。於。中。國。此。其。多。年。之。蓄。謀。也。

### 日美之關係

日本對華之企圖。既如上述。斯時能抗衡日本而阻遏其野心者。獨美國耳。然美自六國借款團之退出。漢口鐵路之退讓。及助華反抗日本要求之失敗以後。凡約翰罕、John Hay、路脫、Hilliard Root 及諾克斯、Theodore Roosevelt 等在遠東所建樹之勢力。已經喪失。日

人知美國此後。將專注於本國人民及墨西哥投資事業之保護。不暇復爲門戶開放主義之爭持。故對於美國無所致其疑懼。而美國亦正不必懼。日蓋日本將來欲力謀完全占領中國。必先乘中國之無備。從政治商業各方面鞏固其勢力。勢亦不遑瞻顧美國。故對於移民法案。決無力爭之意。若中國者。前此瞢然無覺。疏於自衛。後此或能翻然覺悟。一改其從前之過失。傾向美國。亦未可知。惟日本對於此節。似亦夙所籌及。如前此

澀澤男爵赴美游歷。實負有兩大使命。即密探美國保護中國之方法。與夫隱圖聯合美國資本以經營中國。蓋日人自度力難勝美。唯有百方籠絡以爲己用。且英、經戰後必無餘資貸日。而亦非其所願。故利用美資於中國。尤爲日人之所切望。此澀澤返國後。嘗宣言於東京者也。

### 日本之將來同盟

日本既逐德國於亞洲之外。其在華之勢力驟增。然決不敢即與英國之海權宣戰。蓋日本苟欲新創一亞細亞之勢力平均。足以自由行動而不受制於歐人。必先絕英人之疑。無俾攜貳。故英日同盟。此後縱大失價值。日本必仍圖繼續留存。使不致因而破裂。一方更尋盟於其十年前仇敵之俄國。令英俄兩國在亞細亞之勢力漸以離析。然後乘隙得增益利權於滿洲內蒙各地。故自開戰以還。日本屢以鎗礮兵員輸送俄國。助之作戰。其國內製造兵工各廠。亦勞苦力役。以補充俄國軍

需品之供給。上下孜孜。凡可以結俄人之歡心者。無所不至。俄人對於亞細亞將來之準備。本極注重。故亦思蠲除宿憾。與日本相親睦。最近俄國大公之使日。即可爲此未來同盟之確證。此舉果成事實。則英人所受之打擊。必較俄人重。行壓迫印度。爲尤巨。此外日本之政客國民。更盛唱戰後與德國聯盟之說。德皇威廉。當英日盟約未締之前。曾有此意。倘日本將來果與德國協議及此。則青島一事。殊堪注意。唯德皇或因可獲壓抑英國海權之新機。甘棄擲其亞東之權利而不復較。亦正難料耳。

### 確實之競爭

日本之政策。能否成功。今日言之。似嫌過早。蓋各國實

力。必俟此戰既竟而後。始能顯著。但使英國不致挫敗。國內并無勞動者與資本家之交關。當不難制服日本。俾不敢稍逞其志。至於中國。端在自奮。若其精神強固。則脫離日本之箝制。而挽回其已頹之運命。亦正易易。否則回復帝制。或陷於分崩離析之狀態。恐日本條件之提出。必不在遠。然而西方各國。協謀鞏固中央政府。俾足與日本相抗拒。其志固始終如一也。

伊藤侯爵者。日本之畢士麥也。生前嘗發一極可注意之豫言曰。『下次之戰爭。當在歐洲。其戰爭。即因太平洋主權之紛爭而起。』嗚呼。斯言也。非即英日戰爭之先兆歟。



# 瑞士之軍人

瑞士軍官 Jean Martin 原著

胡學愚

千九百十四年八月。歐戰爆發。瑞士政府。於俄頃間。下  
全國動員令。召集國中男子。年  
在二十歲以上。四十八歲以下  
者。凡三十萬人。皆披堅執銳。齊  
集邊境。以防變端。於是交戰各  
國。睹其動員之速。畏其戒備之  
嚴。有所憚。而不敢進。夫瑞士以  
區區小國。處四面受敵之地。值  
全歐搗亂之時。而獨能幸免於  
戰禍。則豈一朝一夕之故哉。  
千八百七十年。瑞士人民。睹其  
國軍事制度之未善。乃力謀改  
革。實行通國皆兵制。全國人民  
凡有當兵之資格者。強令擔任




瑞士軍隊操演時軍醫隊攜軍醫用品而行

義務兵役。其體格不合。經醫生認可者。則令納兵役稅  
以爲抵償。籌措設備。生聚教訓。四  
十餘年於茲。其國軍事制度之完  
善。遂爲世界冠。今將瑞士國民一  
生之經歷。自孩提時起。至於免除  
兵役之年。縷述如下。亦足以見瑞  
士軍政之概略。及其國民尙武愛  
國之一般云。  
瑞士國民。幼時入小學校。小學爲  
強迫教育。是謂國民最初進身之  
地。瑞士爲共和國。其國民享有平  
等自由。故在小學校中。貴族之胄  
裔。富商巨賈之子弟。與石匠及掃  
街夫之兒童。同室誦讀。未常引以



爲恥。小學中雖不施軍事教練。然其教師平素誥誡學。如讀本作文算術及他種公民必需之科學。皆須一一生多勉。以合羣愛國之大義。獨立自由（對於外國）之真銓。并歷舉歷史中捨身救國之英雄。轟天烈地之戰績。以爲鼓勵。課餘有暇。更注重體育教練。使其身體與心智同等發達。預備盡當兵之義務。稍長。就各人之志願。令投身童子軍。練習軍事。考察各地之形勢。俾任行軍之偵探。自十八歲至二十歲。從事預備軍教練。逢星期日。由軍隊中軍官督率演習槍法。惟此項教練。不加強迫。其不願從事者聽之。十九歲。凡爲瑞士國民。無論何人。皆須經歷一種考試。名曰衛生試驗。此項試驗之科目。非僅體育而已。卽



瑞士鐵路之車輛借作軍政事務所

性。共和國民。恆尊重個人之人格。好以批評時事。詆之軍事。教育則無不備。經習練。入校之時。先導以服從。試驗。此項試驗之結果。每年由政府發表。就所隸二十二縣中各縣所得平均分數之多寡。分別等第。揭示全國。且以是瞻各地方教育之進步。人民程度之高下。使各學校互相競爭。俾於體育及教授上。日益改良焉。經此項試驗以後。瑞士國民。乃入義務兵役時代。入新兵學校。受六十七日之步兵教練。此項教練。在數年前。僅四十八日。後經國民同意。決議增加十九日。此六十七日之間。爲時雖暫。然爲軍人所應受。

謀官長爲事。一旦屈以威武。令其服從命令。固非易易。又以服從之義。時相訓勉。如不服從。則加強迫。如是經。然瑞士軍官。則先授以軍事之智識。加以嚴厲之操演。遇其乖誤錯落。則爲之更正。俾挫折其自尊自信之意氣。然後導以兵士應有之義務。在服從長官之命令。不可恃一己之意志。不能謀起居之安適。浸潤既久。驕蹇之氣。凌折殆盡。則自安於服從矣。

新兵入籍以後。則以軍隊爲家庭。而寢處其中。有時中夜酣睡。聞中軍傳令。則立時披衣興起。荷鎗裹餽。馳赴野外。與虛擬之敵人相搏戰。稍一稽緩。則呼責隨之。有時出外演習。雖在雨雪。亦所勿屑。乘間則長官一止。當此之時。瑞士國民。於經濟上始漸獲獨立之地位。




瑞 士 軍 官 閱 操

視爲一生之大事云。新兵既受此項教練。則入亞里台。隊中服役十二年。此十二年中。每歲須演習七種課程。往時亞里台演習。定每二年舉行一次。自一九一四年起。改定每年舉行演習。期限至短。每歲僅十三日。此十三日中。將舊時所授各種技術。悉加演習。以免遺忘。又另習射擊專門之術。演習時。如不失職。則八年之後。即可免除服務。惟其姓名。則仍隸亞里台籍中。至滿十二年。而

仍隸亞里台籍中。至滿十二年。而

且得覓一職業以謀食。至三十二歲乃出亞里台而改。其法令副隊長入理論學校肄業一月。畢業後即任新兵學校司令官。凡隊長副隊長及伍長必仍入新兵學校充當教授。其後更入亞里台服務。與兵士同戰時軍人負擔之義務。自較平日爲重。方前年八月三四日。歐戰開端。瑞士政府立開國務會議。決議下全國動員令。召集隸屬亞里台蘭惠爾蘭斯頓三處之軍人。防戍邊境。先令蘭斯頓部屬。派赴前敵。以司遷移人民及交戰國難民之責。同時頒布法令。自一九一四年始。蘭惠爾兵每年展長服務期限一月有半。

瑞士軍官皆自軍隊中選出。凡軍官必經歷兵士之服務。始可升任新兵學校。爲挑選軍官之地。凡兵士欲充下級軍官者。必先入射術學校。經二十日之教練。然後入新兵學校。充伍長之任。其成績優異者。則由射術學校保送。直接入軍官學校。肄業六星期。畢業後任副隊長。隊長則自副隊長中選出之。經濟無所妨礙乎。曰。然國民初入新兵學校。受六十七



瑞士軍隊演時礮兵過一軍用橋梁

日之軍事教練。其時尚在童年。未有職業。其後既入軍籍。則每歲服務不過十餘日。其於工商農業所受之影響。亦至微也。若在戰時。全國壯男。徵調既盡。此於經濟上。固不能謂爲全無損害。然當此存亡一髮之際。兵力之強弱。係於一國之命脈。苟國家滅亡。更何有於經濟。更何有於工商農業。且瑞士政府。亦嘗竭力籌措。俾減少戰時經濟上所受之困難。如兵士在前敵服役者。不得在法庭追其所欠債項。地方官及各社團。則竭力設

法。救濟兵士之家族。其遇有重要關係時。并得免除一部分之動員。因之經濟上所蒙之損害。尙不至過巨也。天禍歐民。血戰玄黃。以小弱之瑞士。蝨於列強之間。而獨免於兵革之禍。此非通國皆兵。與義務兵役制度之良效乎。彼瑞士軍人之制服。實足代表其國家之全體。無此軍人。則亡國破家。可立而待。時至今日。舍自衛。不足以圖存。今世講求軍備之國。曷亦知所劭乎。




# 美屬海面採珠記

美國利特 Wm. A. Reid 著

程景瀨

錫蘭夙以產珠聞於世。土人有珠島之稱。其所產珠。運赴世界各國。供皇冕之裝綴。備后妃之服飾者。蓋數千年於茲矣。每當風和日麗。水平如鏡。則為採珠之時。採珠者於夕陽西下。暮色蒼茫中。駕小艇。出哥倫布港。向產珠之區而進。距愛利潑港外數哩。停泊待旦。時則小艇雲集。羅列海面。皆採珠者也。翌晨。朝曦甫動。採珠者即紛紛入水。從事採集矣。錫蘭之蚌蠔產區。皆受政府之制轄。每當仲春三月。採珠者爭赴孟那爾灣。以馬來



美國採珠者所用之潛水衣

人。阿刺伯人。印度人。及錫蘭人。為最衆。此外則尚有印族人民。亦駕小舟赴其地。當是時。海波不興。旭日麗空。小艇百數。環列海面。採珠者數千人。或奮身入水。或跨重下墜。俄則攜蚌上升。倏又復入。升者沉者。紛紛然。間以嘈雜之聲。侏儻之語。幻為奇觀。吾人苟目覩其景。當終身不忘也。

環錫蘭四周。及美加福尼亞灣。皆為產珠蚌蠔繁殖之處。斯二地實為今日產珠最豐之區。一居極東。一在極西。遙遙相對。而

採珠之法。則彼此相同之處甚多。苟取一處採珠之法。而較其異同得失。亦一趣味獨饒之事也。錫蘭採珠。咸有定時。號令一施。則潛水者紛紛入水。其所用船隻多狹小。約容八人至十二人。尙無跣躄之患。船員皆赤足。以短衣蔽體。咸諳潛水術。輪值下水。船舷懸巨索。繫重墜。墮入水中。採珠者自繫於索。船員解之下墜。亦有不假他人之助者。則視其人之技能何如耳。潛水者。身旁懸一巨囊。迨至海底。遇蚌蠔之屬。輒拾而置諸其中。以速爲上。居水底可二分鐘。至三四分鐘不等。視水之深淺。及其人能潛水之久暫而定。初無程法也。美國則濱墨西哥一帶。產蠔亦富。以拉伯士爲




採珠艇隊駛赴採珠地

尤著。採珠者咸集其地。其法與錫蘭無大異。惟船艇較巨。而多用新式潛水衣耳。採珠者每乘大帆船。名曰母艦。旁隨小艇六七艘。號子艇。每艇約五、六人。內有潛水者一、二人。得蚌蠔之屬。輒時時載至大船。剖而取其珠焉。余今將更進而述美屬採珠各區。然當下筆之先。有一問題欲與讀者決之。則世所稱之真珠。究爲何物。而珠又何由而成是也。昔法科學家某君有言曰。珠者。乃蟲類有色澤之食肉石也。（按食肉石。乃石灰石之一種。昔希臘人用以製棺。棺內屍體。經數星期後。卽漸漸消盡。故名。此蓋借用。意謂沙粒入斯言也。至爲簡明。然世

人恆不易悟瞭。於是種種之解釋。或謂珠之成。實經一度之痛苦而來。考珠之成。實由於沙粒侵入蚌蠔殼中而起。沙礫之入也。或由偶然。或由人爲。既入殼內。則

美人於海面採珠。行之已久。美屬各採珠區域。雖未必如錫蘭及波斯灣之古。然當哥倫布開闢美洲時。已見七人胸懸貫珠。價值不資。則可知採珠之法。由來久矣。

蚌身時受其激刺。而覺不適。常以膜緣摩擦。消除其主角。其分泌之鈣炭養質。即所謂眞珠質者。附凝於物體之上。越數年主角漸平。眞珠質愈厚。光潤滑澤。遂成眞珠。然其所成亦有不值值者。不能一概論也。產珠之蚌。世界各國。莫不皆有。大別爲二。其殼有單葉者。有雙葉者。單葉者如貝介之類。亦產珠。雙葉者又分爲二。一則蚌蛤。一則蠣蠔。皆產珠者也。以上所述。僅就其大略言之。若夫科學上之解釋。則俟專家之研究可矣。



有名之私採眞珠者所用之小艇後被美政府用摩托艇快獲

加福尼亞及錫蘭採珠時也。晚近以還。採珠者日衆。而潛水之技亦日精。政府懼其捕獲過甚。而使蚌蛤之屬。殄滅無遺也。乃設法取締。俾有限制。故去秋潛水人得政府之許可而入水採珠者。僅有數人。舟中船員。則得

且南美佛查拉濱海一帶。產珠甚富。往往爲人所得。故自古探險者。有珠港之目。迄今而佛查拉外之馬加利太島。尙爲採珠者薈萃之地。每年秋間。小艇百數。雲集海上。其繁盛亦不下於

以鉏鈿之屬撈取。蓋此法僅能獲其巨者。幼者仍得留處海底。聽其繁殖。不至如潛水者之獲則取之。使其靡

已久。其採珠之法。與加福尼亞下部。初無大異。惟該灣每為太平洋潮水所激。不得從容採集。為可憾耳。昔有

有子遺也。此外如苛伯加波拉買、馬哥波那、古羅等處。皆佛查拉濱海產珠之地。其名則或著或不著焉。佛查拉之潛水專家。大都受雇於伊克懷度公司。該公司專以採捕其地真珠為務。年來頗著成效。即孟達一小埠。已成績斐然。近數年間。運往歐洲各國之珠。約值美金二萬元云。巴拿馬海灣中。島嶼羅列。採珠業亦盛。其間一島因此得名。產珠極良。著名

千枚之中。產珠者僅一二而已。墨西哥海面。則須深至



堆積珠蠔使乾燥之狀


一童子。偶在巴拿馬海濱數百尺外。拾得一蚌。剖之。得大珠。貨之。獲三千金。厥後持往巴黎。卒以美金一萬二千圓售去云。

美國而外。海中產珠之處。尚多。如澳大利亞之坤司蘭、紅海、新金山各洋面。及馬達加斯加島之鄰近。莫不皆有。然尋常漁艇一艘。每日雖獲蚌蠔等至數噸之多。而



三十至五十呎。始能獲之。每年採捕期。恆在秋季。曆四月至六月之久。採珠者所費。恆在美金萬圓至一萬五千圓以上。迨至歲事。所獲每不及所失之半。向使各小艇無意外之禍。則所得蚌殼。亦足以償其失。蓋採珠不僅取其真珠而已。其介殼所值亦鉅。為用頗廣。即世稱珠母者是也。珠母者。介殼內之真珠層也。凡製各種裝飾品多用之。如刀柄、鈕扣。須有光澤。而能耐久者。皆須之。昔猶太卑斯爾城之僧侶及居民。工雕琢珠母之術。其各種裝飾品。至今流傳於歐美者。人猶爭寶之。其工緻亦可知矣。


美國珠價。近年以來。已不如昔日之昂貴。此固各國之



所同。而美為尤甚。今日世界各埠。如倫敦、孟買、巴黎、拉伯士等處。珠價無不貶落。往往僅及通常之半。往者美國採珠者。恆持其珠求售於歐洲各國。以其獲資鉅而脫售速。迨珠價既落。商人轉購回美洲售之。獲利頗豐。蓋英人於墨西哥外。獲有採珠特權。所得真珠。輒運歸倫敦。海面之為其壟斷者。百餘年於茲矣。迄數年前。取消採珠權後。所獲真珠。遂不赴英而徑至美國。今則市上珠璣充斥。不復如前之奇貨可居。若拉伯士、墨西哥等處。各種真珠咸備。購者可任意選擇。若朱者、藍者、綠者、黑者。或圓或否。莫不皆有。價值亦頗昂。非常人所得問津也。聞美產之珠。有為歐洲君皇冠冕之裝綴者。昔墨西哥採珠者。曾得明珠一粒。持向

巴黎求沽。後以萬金售諸奧皇。法國當拿破崙第二乘  
 政時。西班牙政府贈以墨產黑  
 珠。值至二萬五千金。此外各國  
 亦莫不有之。特不如其著名耳。  
 珠之具黑藍綠三色者。良不多  
 覩。而墨西哥及巴拿馬所產。則  
 時或一見。是為珠之最上乘。亦  
 有良珠美質。為潛水者所得。而  
 不識其價。恆以賤值售之。苟持  
 向通都大邑。則千倍之不難也。  
 明珠暗投。亦可慨矣。佛查拉探  
 珠者。獲珠甚富。每年所得。約在  
 五十萬金以上。世界各國有名  
 之珠。咸產於斯。昔西班牙非列  
 王於一千五百七十九年得馬  
 加利太島附近之大珠。重約二百五十加拉。

（按加拉略狹長者次之。色白及絳者最佳。以其光輝動目故也。




買 賣 真 珠 者 爭 論 價 錢

Carat 為各國權珠玉鑽石之衡名。其重量各國不一。通用者每一加拉合二百零五又十分之一。估各異。約自美金四萬圓至十萬圓不等。全世界最良之珠。名伯里格那。藏於莫斯科之余西麥博物館中。重二十八加拉。為圓形。頗完整。原產於印度洋中。倫敦維多利亞及愛爾般博物館藏一珠。重三溫司。圓徑四吋半。實為世界最大之珠也。各國賞鑒真珠者。咸有聞人。如甘斯博士。Dr. George F. Kunz 即其一也。據云。珠之佳者。其外面須整潔而有光澤。紋細質密。無瑕疵。圭角。色白而暈。形整圓者為上。

至若形體不整而色澤黝暗者則不足與於良珠之數。之四周復以白色之膏質實其孔。然後毀去外層之玻璃。而摩潤之。則偽珠成矣。持以往市。愚者往往蒙其欺。


中國與日本二國產珠最古。見於兩國史乘者。遠在西元千餘年前。迄今以採珠為業者。尚不乏人。而日本之亞谷灣則有密季馬泰之種珠場。尤為奇觀。其法捕蚌。蠔之幼者。以漿液或沙粒射入殼內。仍釋之水中。蚌受其激刺。則漸以真珠質潤之。越數載。復捕而剖之。則明珠赫然在焉。此其採珠之法。與西人特異者也。晚近以來。市上所售之珠。偽者居其泰半。製作之巧。幾可亂真。雖老於鑒別者。偶一不慎。亦墮其術中。其製法用極薄之玻璃小球。以化學原質注入其中。此物即凝於玻璃球。



紐約及米爾注基珠寶商人。咸以美淡水珠售於四方。

珠商至上海。北溫帶淡水河中亦產珠。如英屬三島、德之薩克森納、巴維利亞、波希米亞、及坎拿大、與北美各省皆產之。如烏海娃、威斯康新、伊利諾、涇脫溝、密翁勤等省之江河中。漁者恆獲巨蚌。中含明珠者。屢見不鮮。據美漁業部之報告。謂北美淡水蚌屬共有五百餘種。其中產良珠者實繁有徒。而美人咸不好本國產。轉遠求諸國外。奸商射利之徒。恆以本國所產。而美其名曰此東方產也。購者不察。從而和之。國內之珠。亦得以稍稍售去。今者

巴拿馬太平洋萬國博覽會中之鐵路模型



是圖在直徑五千米之山形北至聖魯義地至聖魯義一聖魯義小斯至聖魯義山形北至聖魯義一聖魯義小斯至聖魯義山形北至聖魯義一聖魯義小斯至聖魯義

聲譽藉甚。而以米爾商人為尤著。總之採珠事業。雖獲利頗豐。而危險實甚。採者每有性命之虞。且有如博付孤注之擲。而視運幸之何如。夫投資營業。固不能豫計成敗。而採珠則其成其敗。更難逆觀。然利之所在。世人

方趨之如鶩。錫蘭每屆採珠期。各色人之居於海濱及舟中者。有二萬人至三萬人之多。至美屬各地。如巴拿馬、佛查拉、哥倫比亞等處。採珠者則不若錫蘭之衆。而明珠夜光。亦往往得之云。

# 英商界之海王

譯十九世紀報  
原著者鄒克門

甘作霖

奇人哉。奇人哉。論斯人之言動舉止。世殆無有更奇者矣。斯人何人。則試披第十一版大英百科全書第十五冊第四百九十八頁而觀之。其間皆瓊思一姓有名人物。而記者今茲之所欲述。即勳爵阿爾弗蘭特瓊思也。又試披百科全書第二十五卷第八百五十三頁而觀之。則所載者爲英之愛覃公司。The Associated Collieries Co. 蓋愛覃公司者。與勳爵阿爾弗蘭特瓊思一而二。二而一者也。愛覃公司爲英之航業會社。揆諸名義。固似愛爾豆與覃斯德所合營。顧記者嘗以事數詣該公司。而知其既無愛爾豆。亦無覃斯德。獨一瓊思氏而已。瓊思當時尙未被封爵之榮。故人咸稱之曰密斯脫阿爾弗蘭特瓊思。瓊思族姓最繁之地爲威爾士阿爾弗蘭特。年十二時。由威爾士至利物浦。服役於西斐洲汽船公司。不過一學徒耳。閱十四年。即二十六歲。而一躍爲該

公司總理。於是四出假貸。購置帆船。自集同志以營航業。業殊發達。旋知帆船之業必爲汽船所奪。則又盡鬻其帆船。而別組愛覃公司。公司成立。亦被推爲總理。時則西斐洲汽船公司已統屬於該公司矣。即西曆一八九一年也。當公司開創之始。瓊思氏佔股甚微。未幾知愛爾豆之不便於公司也。則以資購其股而去之。又未幾。知覃斯德之不便於公司也。則又以資購其股而去之。自是瓊思得一意經營。無復掣其肘者。而航業之擴充。遂日盛。又以餘力兼營他業。而他業之種類亦日多。當記者以事赴愛覃公司時。知其往來海上之船舶。凡一百二十九艘。顧全以一人之腦力指揮之。既無需乎助理。亦不假乎簿籍。予初赴該公司時。見瓊思入辦公室。處理衆務。狀至殷迫。室中供事者。竟不稔爲何人。惟曰此君每一蒞止。即署瓊思名姓於各項應發文件。並

取各處所來函電。而一一啓其封。既啓。卽平鋪於案。若恐箋底或誤黏有銀票。至逃其敏銳之目者。予徵以所見。知供事之言。良非鋪張過情。按瓊思每日處理之事。除愛覃公司汽船一百二十九艘外。尙有向所謂兼營之業者。卽西斐洲之銀行業與煤炭業。煤炭不特以售諸人。卽本公司之船舶亦取給焉。有西印度羣島與英國間之香蕉業。故其案頭常置有香蕉一碟。以供大嚼。而倫敦康文脫園市場有水果批發行。亦卽因是而設。此外又有大加拿利島之中央旅館。西印度羣島之各旅館。利物浦之機油廠。西印度之郵便局。英國之雜貨批發肆。利物浦之熱帶地方藥料室。雜貨一肆。亦所以兼供其本船員役之用者也。至以辦公室而論。則利物浦一所。倫敦若干所。無論爲朝爲夕。瓊思氏足蹤所至。要不出此諸地。是以大英百科全書有評語曰。勳爵阿爾弗蘭特瓊思之營業。至繁至博。初不僅限於航業。或與航業有關之諸事也。記者與瓊思始覲面。在一九〇

〇年倫敦西錫爾氏席間。由特夫密臘君介紹。予與瓊思並肩而坐也。其時介紹之辭。則曰此君爲密斯脫阿爾弗蘭特瓊思。愛覃公司之總理。予視其人。年約五十。五歲。身材脩短適中。面圓。髮拂理甚光澤。短鬚微灰。頰下有髯少許。語時雜以微笑。笑容甚敏秀。目小而顧視絕銳利。每上下或左右盼。輒噴煙一口以結束之。若自鳴其歡愜者。近世實業界偉人如摩根桑柏蘭等。咸嗜雪茄。幾乎非睡卽吸。瓊思氏蓋亦同具斯癖也。是日席散後。瓊思顧語予曰。密臘告吾。謂君將演說於利物浦之聖喬士堂。題爲加拿大游歷後之回想。甚佳。我所欲聞者。卽爲他人之回想。言辭須簡括。時間不多延。然亦無取急遽。以言者能盡其意。聽者能喻其意而止。我愛覃公司有優美船舶。常往來加拿大。不日將有更優美者。君一抵利物浦。卽訪我於事務所。吾當爲君一一介紹。喻我意耶。佳言已。卽樹其一指向我。旋即起去。此公言論風采。別有奇趣。是爲予瞻仰之始。及既抵利物浦。

時方午後十二鐘一刻。徑詣愛覃公司事務所。詢瓊思君在否。事務所供事某仰視壁上鐘曰。更閱六分鐘。至矣。予方以爲異。而詎知時針甫指十二點二十分。即聞門外階砌旁。有四輪馬車。轆轤作響。響未輟。而瓊思君已一躍入。旋置帽於案。就坐於椅。案之左壁設電鈴。無數。即按其一。二鈴或三四鈴。丁丁之聲。參差而發。隨有供事三數人疾趨入室。各執鉛筆小冊。竚立案前。案頭有棧色紙堆積甚高。皆英文電。其包封悉黏附於紙之邊幅。藉便檢閱。號數瓊思君略視第一電畢。即以指輕輕撥落之。口中則語其供事曰。速遣孟德蘭號（舟名）赴紐哇黎。斯載運騾匹。以專僱爲佳。於是第一供事者急記錄於冊。瓊思且閱電。且謂其第二供事曰。盡賃水力起重機。由火車運往。勿坐待車至而曠時。旋又謂其第三供事曰。西斐洲公司所需。可悉數許之。循是一指揮。而案頭電信亦片片撥墮。既而供事者盡退。旁有一人收拾電信。挾之而出。瓊思復按鈴召竚。俟於門

外之某甲入。有所告語。同時呼予至案前曰。佳。予良憶之。請啖香蕉。言時。取盆中香蕉一枚。授於予手。疾如矢發。旋又按壁上鈴若干起。有手持小冊者數人。應聲而入。瓊思謂其第一人曰。致書阿式克勞。綏脫君。書以介紹。鄒克門。鄒將演說加拿大事於聖喬士堂。倘蒙接待。予甚——言未畢。即樹其一指。持冊者急引退。蓋瓊思君爲予致介紹書於市尹阿式克勞。綏脫君。俾予得演說於聖喬士堂。其所謂予甚——者。即予甚感荷之意。惟樹指爲揮人退去之號。供事者深知其習性。故不待辭畢。即去。旋又語第二供事曰。利物浦晨報館阿式羅萊。此以——言未畢。一指又樹而第二供事亦已會其意而退。於是語第三人曰。利物浦商務報館甲必丹葛拉罕。此以——一指樹矣。稍選嚮之引退者。各持所繕書札至。瓊思一一署名其上。字跡潦草。甚於塗鴉。而利物浦全城識之。世界航業中人亦大半識之。署畢。即授於予。蓋此種種書札。皆爲予而設之紹介品也。旋又曰。